

VM

ANO

ffore

is

rcfen



Q. D. T. O. M. V. B.

GYROS
CONVOLVVLRVM
PRAESIDE
RVDOLPHO CHRISTIANO
VVAGNERO

Mathematicum in hac JULIA Professore
Publico ac Ordinario

*dissertationibus duabus Mathematico-Physicis
evolvere tentabit*

Autor Respondens

JOHANN. GEORG. GVILIELM. Starcken

Nortstemio-Hildesienfis.

Prior barum

Deo propitio volente
habebitur

D. XIV^{to} Martii

ANNO MDCCV

IN JULEO MAJORI

— (o) —

HELMSTADI
STANNO HAMMIANO.

COMMUNION

BY THE

W. A. G. M.

Published by the
W. A. G. M.

JOHN G. M. M. M.



IN THE

STANNO HAMMILL

JOHANNI GEORGIO GVILIELMO

Starden/

SS. Theologiæ Cultori perquam sedulo,
Dissertationum harum Autori - Respondenti

S.

P R A E S E S.



Scientiam naturalem, prout hodie a celeberrimis
ejusdem Scrutatoribus inquisita ac exculta extat,
si quis attenta mente consideret, atque eandem
cum illa, quæ in priscorum Philosophorum scriptis
proposita reperitur, solerter conferat, is certe, nisi cæca
quadam veneratione antiquitatem suspiciat, et partium studio
plane sit abreptus, fatebitur, indefessa illa laudatissimorum
virorum industria ac indagine, qua in singularium, ex hujus
scientiæ peni depromtarum, eorumque indoli acceptarum rerum
interiora penetrare ausi sunt, plurimum eandem esse locupleta-
tam. Nec tamen hoc ipso antiquos illos sapientiæ Doctores su-
pinae cujusdam negligentiae ac socordiae, et quasi segni potius otio
torpere maluerint, quam in studii hujus cultura digne et lau-
dabiliter versari, volo accusatos. Minime gentium, sed so-
lus mediorum et instrumentorum, ad conquiendam intimiorem
harum rerum notitiam facientium, defectus illos hoc in momen-
to reddiderat infelices. Quemadmodum enim ex vulgato illo:
Nihil esse in intellectu, quod non prius fuerit in aliquo sensu,
abunde patet, intellectum nostrum sensibus externis tanquam
indagatoribus et exploratoribus, internis vero tanquam inter-
nunciis ultro citroque currentibus uti; proinde ministrorum ho-
run

rum relationem, vel confusam, vel distinctam, iudicium quoque minus vel magis exactum prorsus sequi: Sic condonandum omnino antiquis, sepius in summis numerandis Sapientibus esse existimo, quando scientiæ hujus recondita quibusdam in locis parum sunt assecuti, atque in incitioris ævi istius tenebris, sepius plus quam Cimneriis ambulantes, sensuumque horum, armis accommodis instructorum, firmiori adminiculo baud suffulti, fallente quasi vestigio, nunc cespitarunt, nunc penitus iudicio sunt lapsi. Inter sensus porro externos visus ille non modo in Philosophorum scholis cæterorum nobilissimus audit, limitibusque amplissimis circumscriptus primatum sibi merito suo vendicat, verum et in foro ac jure civili ita attenditur, ut testis oculatus unus præstet auritis decem, atque proinde eodem destituti nonnisi pro absentibus habeantur et reputentur. Quis vero rerum noviter inventarum adeo est ignarus, qui nesciat instrumenta illa, quibus oculorum acies insigniter hodie, atque in tantum est aucta, ut non modo telescopiorum ope ad remotissima, quæque multis milliariis millionibus a nobis secesserant, planetarum corpora pertingat, figuras ipsorum contempletur, satellitumque cætu ac custodia eosdem stipatos admiretur, verum etiam cominus microscopiorum adjumento res incredibilis fere exilitatis cernere ac sagacissime valeat lustrari. Piaculum quondam protinus committebat, qui, præter unicum, plures dari mundos asseverare contenderet. Hodie autem viri, locuplete ac perspicaci præstantes ingenio, non tantum telescopiorum, uti dictum, usu, illaque, quæ planetis cum terra nostra intercedit, similitudine, inducti, eosdem totidem mundos credunt, sed et, locatis in unoquoque arboris folio incomprehensibilis parvitatibus et talibus animalculis, quorum corpuscula atoma acorus forte elephantis ratione antecelleret, habitationes nominatas, tanquam totidem mundos, mira subtilitate tradunt incolis hisce, egregieque autu-

autumant, eosdem forte minimas foliorum horum protuberantias, altissimos quasi montes ac præcipitia, adscendere, cavitates autem, oculo nudo vix conspicuas, profundissimarum adinstar abyssorum intueri ac formidare. Imo, pergentes in eleganti hoc ingenii lusu, habitatoribus, in uno solii latere degentibus, cum istis alterius lateris pluris commercii forte haud intercedere concinne existimant, quam nobis cum Antipodibus nostris. Quid, si Per-Illustrem audias Leibnizium, qui, cum continuum sit divisibile in infinitum, quamlibet atomum infinitarum specierum velut mundum esse, ingeniosissime judicat, et, dari mundos in mundis in infinitum, præclare asserit, indeque pio erga omnipotentissimum Creatorem affectu, concludit: hæc profundius considerantem non posse non ecstasi quadam abripi admirationis transferendæ in rerum Authorem. Ad hæc autem et similia placita egregia excogitanda non aliæ magis, quam præclarorum Micrographorum, Kircheri, Hockii, Leeu-venhoeckii, aliorumque observationes summis hisce Viris ansam et occasionem subministrare. Hac porro in amœna, pauca ante lustra solerter lustratarum rerum ubertate locum haud postremum occupant plantæ, in quarum, artificio summo contextam, structuram seculo præterito curatius inquirere tanti putarunt, solertissimi viri, Malpighius, Grew-vius, et modo nominatus Leeu-venhoeckius. Per longa admodum tempora universum animalium genus ad anatomicam laniationem abripuerat hominum industriorum laudanda sciendi cupiditas, atque in humanæ eruditionis, artisque medendi incrementum, nunc ex abditis terræ antris, modo de excelsis rupibus, nunc ex ipsis undarum voraginibus, protractis, deductis, erutis animalibus memoratis, lustratisque eorundem exitis, victimas Minervæ ac Apollini paraverat inclita Æsculapii profapia. Posthæc verò conditionis eorundem miserta, cædiumque quasi pertesa, gens hæc, in aliorum viventium viscera cultellos suos con-

convertere, exanguinumque Vegetantium thoraces scrutari, atque ex Vegetabilium diligenti inspectione naturalis Scientia pomœria reddere multo ampliora coepit eadem, - viam ipsi monstrante superius laudato Malpighio, cujus industria, egregiæ plantas incidendi peritiæ juncta, hoc instudio in tantum enituit, ut perpetuam ingenii gloriam, nec apud posteros, nisi cum literis ipsis interituram, digne sanè reporta-verit. Hasce inter Vegetantes substantias gyris suis egregie ludunt, spectatorisque oculos in se facile convertunt convolvuli, quorum motus spirales uti semper magnopere sum miratus, ita, ut in eorundem causam, a nullo equidem, quem videre licuit, vel Physico, vel Botanico explicatam, curatius aliquando inquirerem, autor mihi fuit magnum illud seculi nostri decus, ob viæque humanitatis Heros, Generosissimus Dn. de Tschirnhausen. Operam proinde longe mihi acceptissimam occupasti, mi STARKI, dum argumentum hoc, ab aliis, partim ob intricatam ejus rationem, partim ob majores in illud evulgandum erogandos sumtus, aliquoties declinatum lubens suscepisti, ac secundum ductum a me monstratum impigre elaborasti. Diversis dissertationibus Theologicis postquam opponendo eximie interfuisti, nunc pedem ex nostra, quæ Te probum ac eruditionis augendæ cupidum Civem per aliquot annos sponte ac benigne fovit, Academia efferre ante haud voluisti, quam ut vicibus Opponentis fausto permutatis successu, Respondentis illas duabus in dissertationibus hisce susciperes, gnæviterque præstares. Gratulor idcirco, tum Plurimum Reverendo Dn. Genitori Tuo, tum Tibi ipsi ex animo, atque insimul apprecor, ut summo rerum creatarum Sussentatori, cujus in Convolvulis hisce non minus ac in cæteris admiranda opera, petitis ex scholis meis Physicis æque ac Mathematicis adminiculis convenientibus scrutari, atque in Ejus sanctissimi Nominis cultum transferre enixè studuisti, in sacro debinc officio quamplurimas lucrari animas nunquam non

valeas. Helmstadii XII^{mo}

Martii c1o 1o CCV.

Partis Prioris ejusque Sectionum.

Contenta.

POst proœmium sequitur Sect. prior. Membr. priori historia convolvulorum generalis, quorum Definitio 1. definiti Etymologia latina 2. Græca 3. Homonymia & quod sumatur hæc vox latius 4. specialius 5. specialissime 6. cujus duæ species, prima 7. secunda 8. Eligitur media significatio, adduciturque convolvulorum Synonymia latina 9. Græca 10. Genus duplex, remotum: plantæ 11. per quod abstrahitur à gyris aliis, occurrentibus tum in regno animali 12. tum minerali 13. proximum vero: plantæ non repentes 14. sed scandentes 15. quæ præditæ vel caule robusto 16. vel infirmo 17. & hinc levando vel capreolis 18. vel foliorum pediculis 19. vel cirris 20. vel caule volubili 21. Ultima per differentiam specificam indigitantur 22. Gyratio derivatur a gyro 23. cujus Etymologia 24. Homonymia 25. Synonymia 26. Removentur plantarum classes duæ 27. prima 28. cujus novem species 29. secunda 30. cujus species smilax aspera 31. ejus radix China 32. licet dissentire videatur Hernandez 33. consentit tamen Hermannus 34. Bryonia alba scandit capreolis 35. de nigra controversa est: Caule scandit Rajo 36. capreolis vero Hermanno 37. Parkinsono 38. Volckammero 39. Vitis vinifera 40. Nasturtium Indicum 41. a C. Baub. & aliis inter convolvulos locatum 42. contradicente & aliorum & nostra ἀολοψία 43. Differt autem a recensitis Dulcamara 44. cui Rajus caules volubiles adscribit 45. quod tamen nobis haud patet 46. Quimbaya utrum planta sit per caulem scandens, in dubio manet 47. Phures ex his plantis C. Baub. annumeravit convolvulis, alias vero omisit 48. Membr. posteriori Divisio in convolv. scandentes dextrorsum & sinistrorsum 49. Sectio poster. Membr. prius continet historiam convolv. Specialem spectat

spectatorum in integro duplicis ordinis. Prioris sunt species
 quinque 50. Lupulus, tum sativus 51. circa quem dissidium
 inter autores 52. tum sylvestris duplex, prioris ordinis
 emulus, sed minor 53. diversus 54. Perichlymeni non perfoliati
 55. species I.^{ma}. Germanicum vulgare 56. in quo notatu
 digna considerantur 57. II.^{da}. flore rubello 58. Perfoliati,
 Italicum 59. Virginianum 60. Apocynorum periploca
 scandens 61. angusto Salicis folio 62. Scammonia Monspeliaca
 63. Latifolium amplexicaule 64. Reliqua Apocyna peculiari
 tractatui referuntur 65. Frumenti Saracenici species altera
 66. Convolvulorum specialissime sic dictorum Scammonia Sy-
 riaca 67. eadem macrorrhizos 68. Convol. Scammoniae foliis
 69. Jasminum Millefolii folio 70. Turpethum repens foliis Al-
 thaeae 71. Posterioris ordinis sunt: Smilax hortenensis 72. Phaseolus
 niger 73. tumidi ni-vei, minor 74. & minimus 75. lata siliqua 76.
 Lablap Alpini 77. Anagyridi similis 78. Saburni fructu 79.
 Africanus parvus 80. Purkircherianus peregrinorum Clusii
 I.^{mus} 81. eorundem Clusii VII.^{mus} 82. VIII. 83. IX. 84. X. 85.
 XI. 86. XII. 87. XIII. 88. XV. 89. Brasilianus foliis longa
 lanugine obsitis 90. Indicus ruber 91. quadrangulus 92. bifur-
 tus Africanus 93. Reliquae, partim phaseolorum, partim illis
 accensendae species omittuntur 94. Cuscutarum major 95. de
 qua notanda quaedam 96. minor seu Epithymum 97. Ameri-
 cana 98. Ex Convolv. spec.^{me} sic dictis huc pertinent Ame-
 ricanus Mechoacan 99. Quod idem sit Jalapium, ab aliis affir-
 matur 100. ab aliis negatur 101. Convolv. major albus 102.
 minor vulgaris 103. arvensis minimus 104. minor Afric. 105.
 Althaeae folio 106. Soldanellarum maritimarum major 107.
 minor 108. Brasiliensis 109. Convolvulus Siculus minor 110.
 trifolius 111. Indicus villosus 112. Virgineus trifolius 113.
 purpureus folio subrotundo 114. Batatas 115. cuius species
 Cacomotica Tlanoquiloni 116. Convolv. Brasil. quinque folius
 117. foliis laciniatis 118. idem a Rajo creditus cum convolv.

Alpini

Alpini a Veslingio eloquentissime descripti 119. *Americanus villosus* pera-
 taph. & heptaph. major 120. *Zeylanicus minor* 121. *Bona nox* 122. de
 quo & paucis aliis ad quod laius scandant dubii sumus 123. Digressio ad hi-
 storiam Convolv. specialis membrum post. riu. 124. Hoc sistit phænomena in parti-
 bus eorum occurrentia, quarum differentia a reliquarum plantarum partibus
 125. sese offerentibus, tum in semine, tum extra semen 126. cujus conside-
 rantur bina involutra 127. gaudentia inibi locatis fixatque sale refertis
 utriculis 128. et contentum duplex, massa farinacea 129. & plantula semi-
 nalis 130. constans semper radícula 131. non semper binis foliis seminalibus
 132. iterum perpetuo presente gemma 133. qua partes, everso stolido ato-
 morum fortuito concursu, arguunt & ducunt tandem ad causam supra
 naturalem, supra omnes Sapientem, & conjuncta exhibent recentioribus
 præformationem 134. cujus definitio 135. definiti Synonymia 136. Genus 137.
 illustratum ex scholis Architectura utriusque 138. artis pictoria 139. statu-
 aria 140. Metonymia, dum præformatio sumitur pro præformato 141. Diffe-
 rentia specifica 142. Domicilium præformationis 143. quod est tanquam o-
 vum 144. Existentia præformationis curatius inquirenda duplici de causa
 145. dum primum subsidium, pro causa gyrationis investiganda, præbet 146.
 auctoritate tamen priscorum, aliorumque magni nominis Philosophorum
 destituitur 147. qui, misso passivo, ad activum principium confugere 148.
 Horum præformationem negantium tres classes, Aristotelica, ex qua creden-
 tes formarum vel eductionem 150. vel inductionem 151. vel traditionem 152.
 Cartesiana 153. ex qua Antonius le Grand 154. Sperlettus, circumspicte
 tamen magis loquens 155. Chymica 156. producens Acidum 157. & Alkali 158.
 ex qua sibi non constans Deas 159. Sequuntur præformationem statuentium
 auctoritates 160. Joseph. de Aromatariis 161. Anglorum, Grevii 162. Razi 163. Ital.
 Malpighii 164. Batavorum, Schvammerdamii 165. Leenwren boeckii 166.
 Gallorum, Malebranchii 167. Perraultii 168. Danor. Bartholini 169. Germa-
 norum, Bohnii 170. Sturmii 171. Valentini 172. Bergeri 173. Posneri 174. Schra-
 deri 175. quorum quidam convenientes quoad præformationis suppositionem,
 differunt quoad ejusdem productionem 176. Unde alia opinio Schvamm-
 merdamii, Malebranchii, Bergeri 177. alia Perraultii, Sturmii 178. alia
 Viri cujusdam Illustris 179. Nostra de præformatione sententia, in qua affirmam*,
 adeste tum in genere magnam partium organicarum in plantis compagem
 180. tum in specie in semine specifica futura planta rudimenta 181. qua pro-
 duntur externe, a radícula 182. foliis seminalibus 183. gemma 184. interne,
 a diversis faciebus 185. Unde concluditur specifica partium textura interna

186. negatur minutissimarum quarumcunque partium futura planta praesentia 187. quod demonstratur in exemplo radiculo destituta suis fibrillis 188. cum spinulis ferreis comparandis 189. Quibus bene intellectis nullus erit inter physicorum laudatissimorum nostraeque placita dissensus 190. Haec ipsa in convolvulis quoque locum habere credimus 191. unde apparatus gyrorum supponendus 192. Hospitium enim non adest, uti in animalium ovis, fluidum 193. sed solidum magis 194. Conjectura de eorum mechanismo 195. Convolvulorum germinatio requirit semina secunda 196. accessum humoris 197. & caloris 198. Unde prodeunt stolones 199. in convolvulis oblique 200. qui in plantis plurimis aliis exeunt recte 201. Quasdam plantas, deficientibus reliquis ad gyrationem necessariis, nil juvat stolonum egressus obliquus 202. Idem tamen fieri in convolv. demonstrabitur 103. ac illustratur exemplo ex foro medico desumpto 204. Subsidium pro motu gyriformi tertium, glomi foliorum, caulem tenerrimum gravantes 205. IV. tum, glutinosa horum substantia 206. V. tum, caulium debilitas 207. pro qua demonstranda exhibentur eorundem dissectorum delineationes 208. tres pro convolv. dextrorsum sese gyrautibus 209. reliqua pro contrario modo scandentibus 210. Concavitas caulis 211. versus inferiora minuitur 212. ejusque locum occupat medulla 213. Consideranda fibrae duplices 214. quae sunt filamenta 215. tum minores 216. admodum tenerae 217. nec quoque contiguae 218. quae in Periclymeno sequentibus annis magis fiunt solidae & contiguae 219. tum majores 220. Adsumt quoque in Convolv. tracheae 221. compositae ex lamina peculiari modo constructae 222. Has ambiunt lignearum fibrarum fasciculi 223. Trachearum officia egregie explicat Tournefortius 224. addit alia Grevvius 225. Earum magnus in convolvulis nostris numerus 226. Tandem observanda venit externa convolv. facies 227. quae cortice, tenui epidermide, utriculis & vasis succiferis constante, obvelata 228. Lupuli & Phaeolorum cortex hirsutus est 229. Convolv. figura varia, regularis 230. irregularis 231. quod melius patet ex caulibus hyberno tempore collectis & dissectis 232. Duplex gyratione datur in convolvulis quibusdam 233. Tandem capreoli anatomicae 234. & epilagus 235.





Prooemium.

DIsquirenti mihi de argumento quodam , pro
conscribenda dissertatione academica , atque de
eodem consulenti Dn. Præsidem , obtulit idem
lubens varia, e penu mathematica depromta. Cum au-
tem hisce elaborandis ingenii vires haud suffecturas ar-
bitrarer , atque si forte aliud quoddam ex naturalis sci-
entiæ fontibus desumptum suppeteret , ut tale mihi no-
minaret , rogarem ; commodam is , inter phaseolo-
rum gyros & adminicula obambulans , convolvulorum
mentionem faciebat , thematis quippe , tum ex Mathe-
seos, tum ex Physices placitis & principiis deducendi.
Ambabus itaque, uti loqui mos est, consilium hoc ample-
xus sum manibus, cum non tantum e musei fenestris pro-
specti, luxuriantes atque adminiculorum fastigia alacri-
ter petentes phaseolorum, &, qui se illis ex consanguini-
tatis quasi prætextu junxerat, Convolvuli minoris, gyri
quotidie me ad negotium hoc incitarent , sed & præpri-
mis monitum Salvatoris ipsius Matth. VI. v. 28. 29. mi-
hi, tanquam sacri studii cultori, esset respiciendum , ut-
pote quod ipsum in liliorum exemplo quascunque agri
plantas, licet vilissimas & abjectissimas , in scenam pro-
ducit, &, tanquam totidem omnipotentiae ac providen-
tia

tiæ divinæ præcones quasi ac testes, audire jubet & contemplari. Sub initium quidem facilioris indaginis mihi videbatur argumentum hocce; ast in priori statim parte & convolvulorum historia mihi obvenientes autorum ab invicem dissensus, gyros & circulos hosce valde turbabant. Cum vero multo majores in posteriori præviderem oborturas difficultates, non parum abfuisset, quin cum calamo & animum abjecissem, atque aliud quoddam elaboratu facilius argumentum postularem. Nihilo tamen secius divino auxilio, atque Dn. Præsidis ductu, hortatuque indefesso, hoc, quicquid est, tenue ingenii monumentum, prodijt, quod placido eruditorum examini sisto. Constat autem illud ipsum partibus duabus, quarum prior *historica* erit; posterior *ætiologica*.

SECTIO PRIMA.

I.

Acturis itaque de convolvulorum gyris observandum, quod non solum philosophiæ regularumq; analyticarum præscriptum, sed & *Romanæ eloquentiæ parens* bene ac sapienter monet lib. i. de Orat: videlicet, dicendum statim esse, quid res sit, quæ natura ejus, quidque per illam rem intelligamus, de qua dicturi, quamve pluribus explanaturi. Huic itaque monito ut satisfiat, ante omnia de adornanda quadam convolvulorum definitione erimus solliciti, quoniam hi ipsi gyris, quos evolvere tentabimus, subjectum præbent, quæ ex nostro quidem judicio poterit esse sequens: *Convolvuli sunt plantæ per caulem scandentes & circa adminicula gyrantes.*

rantes. Vocabulum *convolvulorum* est, quod in hac definitione *definiti* nomen sustinet, cujus moré ab ordinis elegantioris æstimatoribus recepto i. spectanda erit *Etymologia*. Quanquam autem verborum ut fusior atque supervacanea interdum habeatur ratio, nostro quidem iudicio, & in præsentem parum referat; cum potior longe cura rei ipsi potius impendenda, hæcque amussim pertractanda ac examinanda veniat; attamen cum nominis derivatio nos haud raro in ipsam rei naturam manu quasi deducat, vel certe plura ad hujus curationem notitiam facientia, sæpius subministret, id propter breviter quidem *definiti* nostri derivatio & ortus erit lustrandus. *Convolvulos* itaque dici à *convolvendo*, 2. latinoque verbo *convolvere*, cuivis patet neque ulla uberiori indiget deductione, siquidem prima statim vocis fronte, quid sibi velint convolvuli, per hoc a genio ipsorum, ipsis impositum nomen, liquido constat, nimirum, quod sese convolvant circa stipitem illum, quem iis adungere, ceu adminiculum idoneum, vel naturæ vel arti placuit. Græcis dicitur *ἐπιπλοκῆ*, quod derivari constat a verbo *ἐπιπλέω* *circumtexo*, germanice *ich umwebe ringsweise* / vel *circumplico*, *ich umfalte* / unde verbum medium *ἐπιπλέομαι*, *complector*, *amplector*, & hinc vocabulum *ἐπιπλοκῆ* *amplexus*, quæis omnino etiam adjungi meretur adjectivum ab illis transcendens, videlicet *ἐπιπλοκῆς* *ambagiosus*, eo quod per longas ambages sese circa positum adminiculum suum circumtexant atque complicant.

Homonymiam porro *definiti* nostri visuri animadvertimus. (1) quod ab autoribus quibusdam convolvulo-

4. rum nomen *latius* atque eousque extendatur, ut sub horum classe etiam illæ plantæ, quæ *capreolis*, vel *foliorum pediculis tortilibus* sese stipiti suo adnectunt, quandoque militent, de quibus deinde post explicatam definitionem, fufius agemus, has omnes, ut & alias, quibus vel caulis scandens volubilis deest, tanquam ad argumentum nostrum haud spectantes, remoturi. Deinde *specialius* convolvulorum vox denotat illas plantas, quæ per *caulem* circa proximum illis fulcrum *scandunt*, & spirarum in modum ipsi sese circumvolvunt, uti Capri-
 6. folium, Lupulus, Phaseoli &c. Denique vero *specialissime* horum nomine veniunt duæ species; altera quæ non solum per *caulem* scandit, & circa adminicula, uti modo dictum, gyrat, sed & ab aliis hujusmodi v. g. Cuscuta, Phaseolis &c. certis *notis characteristicis*, inferius recens-
 7. fendis *sese distinguit*, quales sunt Convolvulus major albus, minor arvensis, cæruleus &c. Altera vero, quæ a modo dicta saltem in eo differt, quod *caulibus re-*
 8. *dis* constet, uti Conv. spicæ folius, argenteus repens &c. Mediam significationem hoc loco eligimus, qua-
 9. les plantæ, ut earum *synonymiam* quoque tangamus, à Latinis etiam vocantur *amplexicaules*, quia caule suo obvium quodcunque fulcrum amplectuntur, & horum ad-
 10. miniculo, quasi levatæ, ascendunt. A Græcis fere eodem nomine insigniuntur, mutata tamen lingua, nimirum περιπλοκαί, *circumplexus*, *complexus*.
 Genus in definitione nostra constituimus *duplex*, alterum *remotum*, alterum *proximum*. Illud equidem, dum plantas vocamus convolvulos nostros, hoc est ex communi physicorum sententia, *substantias naturales*, corpo-
 re or-

re organico & vi-vente, non tamen sentiente, instructas, cu-
jus ope nutriri, augeri, ut & propagari possunt. Dum ita-
que nobis hoc in argumento sermo est de gyris illis, qui
in regno vegetabili & nominatim in convolvulis obser-
vantur, missum facimus, primo, illos gyros vel helices,
quæ in regno animali obviæ sunt. Videntur enim tales 12.
non tantum in brutis, cochleis, conchis & limacibus (in
quorum in Anglia repertorum insolito gyro describen-
do præclara enituit industria ingeniosissimi cujusdam
Cantabrigii, ceu observationes ejus per epistolam Dn.
Joh. Wray communicatæ & actis philosophicis regiæ So-
cietatis Angl. mensi Augusto M D C L X I X, insertæ te-
stantur) item in animalis illius unicornis, quod, defum-
to à Græcis vocabulo, monocerotem vocant, cornu in-
star spiræ convoluto, sed & in auris humanæ cavitate
secunda, quam anatomici vulgo labyrinthum vocant,
egregio spectaculo talis cochlea ad latus vestibuli occur-
rit, duabus constans partibus, canali semiovali spirali,
& lamina in ascendentem spiram sese convolvente.
Deinde regnum minerale quoque tales exhibet gyros & 13.
spiras, verbī causa in cornibus Ammonis, lapidibus &
speciebus aliis, ad hoc regnum spectantibus, de quibus
consuli poterunt Athanasius Kircherus, Agostino Scilla Ita-
lus, Lachmundus, & alii.

Dum vero innumerabiles fœcunda mater telluris quot-
annis protrudit plantas, hinc porro ferax ille erumpen-
tium plantarum acervus, cujus ne dimidiam partem Eu-
ropæis cognitam aut observatam existimat inclytus ille
Botanicus Joh. Rajus præfat. tom. I. meth. nov. plant.,
concinne & apte distinguitur in Repentes, quæ terræ 14.

- semper, tanquam gremio matris, a qua productæ lucique donatæ, incubant, & *Scandentes*, quæ capita alta ferrentes cum vertice celsò, a terra sublimem sibi eligunt frontem. Hanc itaque commodam respicientes distinctionem, autoritatibusque celeberrimorum Botanorum suffulti, altera repentium classe suo in loco & pretio relicta, per *genus proximum*, ad illam *scandentium* oculos & animum convertimus, atque in harum ordine convolvulos nostros quærimus, & locatos quoque invenimus. Jam vero porro plantæ *scandentes* de quibus paulo ante diximus, quasque ex toto plantarum numero elegimus, vel stipite & *caule* magis *rigido*, *fibrisque*
15. *robustioribus* gaudent, & id propter nullo egent adminiculo, cum suis se viribus sustentare valeant caules, uti urticæ majores, cannabis, frumentorum species, arundines &c. ex arboribus proceræ & altissimæ abietes, vel
 17. *caule* constant *teniore* & *infirmiore*, qui per fulcrum quodcunque obvium sustentandus venit, quales sunt Cucurbitæ, Clematides, Hederæ, Lupulus &c. Tales autem iterum sunt in *quadruplici* differentia, dum aliæ *ca-*
 18. *preolis* seu *claviculis* suis adminicula vicina adprehendunt, seque circa illa convolvunt, uti in Cucumeribus, Viti vinitera, Pisis pluribusque aliis, quæ huc pertinent,
 19. licet videre; aliæ *foliorum pediculis tortilibus* stipitibus suis sese adnectunt, uti Fumaria, Nasturtium Ind., aliæ
 20. porro *cirris* adhærescunt, ut Hedera, aliæ vero tandem
 21. *caule* suo spiræ in modum *intorto* quicquid est obvium *circumgyrant*, ut Lupulus, Cuscuta, Phaseoli & Convolvuli reliqui. Relicta igitur tota priori scandentium classe,
 22. ex posteriori *ultimam* eligimus atque per *differentiam specificam*

cificam in definitione positam volumus digito quasi monstratam.

Hæc autem , per quam sese ab aliis plantis scandentibus distinguunt convolvuli nostri , affectio peculiaris, *gyratio* a vocabulo *gyri* derivatur, de quo cum ejus in titulo schediasmatis nostri fiat mentio, breviter notamus, quod, uti quam plurima alia, ex Græcia in Latium descendit hoc vocabulum, & Græcis *ῥῶγς* notet *circulum, ambitum*, *circum*, a quo, ut & a *ῥῶγς* *curvus*, *incurvus*, *rotundus* Lexicographi derivant *ῥῶγιν*, *incurvare*, in *gyrum* colligere, in orbem *vertere*, item *ῥῶγιν* *circularem formam* habens. Et quamvis eodem modo non tantum a Mathematicis ut plurimum capiatur hoc *gyri* vocabulum, unde *Manilius* lib. *Astron.* cap. 9. in eleganti viæ lacteæ descriptione *circulos*, *borealem*, *Boreæ gyrum*, *æquinoctialem*, *tempora æquantem gyrum*, vel *medium mundi gyrum*, *zodiacum*, *signa ferentem gyrum* appellat, verum & *Virgilius* de equis lib. 3. *Georg.* v. 115. 116. canat :

--- --- *gyrosque* dedere

Impositi dorso, --- ---

& *Ovidius* lib. 3. de arte --- --- in *gyros* -- coactus equus, item lib. 2. *Amor. eleg.* 6. ducere *gyros*, ut *Cicéronem*, *Tacitum*, & alios taceamus; nihilo tamen minus & illas, quæ ad circulorum rationem deinde accedere solent, lineas spirales eodem nomine insignire autoribus in consueto est, unde *Virgilius* lib. 5. *Æneid.* v. 84. 85.

Dixerat hæc: adytis cum lubricus anguis ab imis

Septem ingens *gyros* septena volumina traxit.

Vocantur alias quoque *helices*, it. *spiræ*.

- Ante vero, quam ad divisionem convolvulorum procedamus, sedulo erit monendum., non omnes plantas, quæ in convolvulorum catalogo apud Botanicos celebres
 27. occurrunt ad argumentum hoc nostrum pertinere, sed *duas* harum *classes*, intuitu differentiarum nostrarum specificarum, utpote, cujus non saltim est constituere, sed & distinguere, tanquam a scopo nostro alienas esse re-
 28. *movendas*. *Prima* series continet illas, quæ in reliquis *notis Characteristicis* v. gr. flore campanulato margine integro; vasculo feminali in terna loculamenta, quorum unumquodque semina bina majuscula angulosa continet diviso: succo item lacteo &c. cum *convolvulis* *specialissime* sic *dictis* equidem conveniunt, *caule* tamen nec
 29. *scandente* nec *volubili* gaudent. Tales sunt novem :
 (1) *Convolvulus linearis folio vel minimus spicae folius*, vel *volvulus terrestris* idcirco a Guilandino *Helxine stans* appellata, qui & *spicae folius marinus* dicitur. (2) *Minor caruleus Hispanicus*. (3) *Minor argenteus repens Rupellensis*. (4) *Peregrinus Elatine similis*. (5) *Africanus minimus*. (6) *Ramosus incanus foliis Pilosellæ*. (7) *Brasiliensis foliis Smilacis in longis pediculis*. (8) *Brasiliensis foliis cylindraceis in brevibus pediculis*. (9) *Rectus odoratus*, vel *major rectus Creticus argenteus*, vel *Dorycnium Creticum Alpini*, vel *Dorycnium Imperati*. Sub classe vero *secunda* militant illæ,
 30. quæ quidem ad plantas *scandentes* pertinent, non tamen per *caulem*, sed vel per *capreolos*, vel per *foliorum pediculos tortiles* se erigunt, quibus accensenda venit, quæ caulibus modo *rectis*, modo *reptilibus* procurrrens, inter *scandentes* & *repentes* ludere quasi, & *ambigere* videtur, planta peculiaris; quibus omnibus defunt *caules* vo-

les volubiles. *Primi* generis, & quæ *capreolis* gaudent species sunt (1) *Smilax aspera*, quam ad *Convolvulos* refert equidem *Casp. Baubinus* Phytopinac. lib. 31. VIII. sect. I. p. m. 585. cum tamen ab *Hermanno* in Flor. Lugd. Batav. ad plantas scandentes *capreolatas* non tantum jure meritoque referatur, sed & *Volckamerus* in Flora Noribergensi eidem caules *capreolis repentes* adscribat, & *Rajus* in hist. plant. eam *capreolis* cum *Bryonia alba* convenire convenienter & ex rei veritate asserat. Hujus *Lampatam* ab indigenis vocatæ radicem *Chinam* esse volunt *Garcias ab Horto* lib. I. A- 32. rom. Ind. c. 38. referente *Dalechampio* Hist. Plant. Gen. p. II. lib. XVIII. c. XLV. p. m. 1823 & *Hermannus* in MSto in materiam medicam ab Experient.^{mo} Dn. D. 1^o Medico Guelpherb. *Burckhard*, benevole, quod grata mente, & quo par est, cultus & honoris officio deprædicamus, nobis concessio, qui *Smilacis asperæ* & quidem *Chinensis Lampatan* dictæ radicem crassam, tuberosam, nodosam & lignosam, pallide rubescentem *Chinam* appellari l. c. diserte docet. Præter hæc & ipsius *a Costa* verba a *Casp. Baubino* Phytopinac. lib. VIII. sect. I. p. m. 587. allegata, idem innuere videntur, dum plantam dicit esse multis tenuibus spinosisque sarmentis, *Smilaci asperæ non dissimilibus*, præditam. Et licet ob stare videatur autoritas *Francisci Hernandez*, 33. cujus verba ex ejus historia Mexic. lib. 6. cap. 55. deprompta adducit *Rajus* lib. XIII. cap. 4. p. m. 657. qui eandem *Chinam caulibus volubilibus & tenuibus* instructam esse, & arbores excelsas scandere & *complecti* dicit; nihilominus fidem potius habemus *Hermanno*, 34.

- præprimis , cum celeberrimi Botanici alii de caulibus
 Chinæ volubilibus nihil moneant, nisi *Garcia* loc. cit. ver-
 ba, dum ipsam hederæ in modum arbores scandere & *am-*
plecti scribit, hanc in sententiâ velis interpretari. (2) *Bryo-*
 35. *niatum alba* tum *nigra*. Illam equidē ad plantas *capreolatas*
 pertinere , extra dubium est, unde etiam *Rajus* lib. XIII.
 hist. plant. cap. 5. p. m. 659. dicit : *Bryonia* albæ notæ
 sunt *capreoli*. Hanc autem ad plantas nostras *per caulem*
scandentes referre animus erat, non aliorum saltem, sed
 36. & præprimis *Raji* autoritate ad id inducti. Hic enim
 non tantum tom. I. lib. IV. sect. I. cap. I. p. m. 157. de
lupulo agens, dicit quod cum *eodem* a *dextra* versus *si-*
nistram seu ab *oriente* versus *occidentem* flectatur & scan-
 dat *Bryonia nigra* &c. sed & tom. ejusd. lib. XIII. p. m.
 652. in tabula herbarum bacciferarum *Bryonia nigra*
caules volubiles cum foliis convolvuli, luculenter ad-
 scribit; & ejusdem lib. c. 6. p. 660. characteres generi-
 cos *caules volubiles* adducit. Præter hæc sub specie
 secunda *Bryonia nigra sylvestris* ex *Joh. Bauhino* mo-
 net, quod radix plures viticulas emittat, quæ proxi-
 mis se *circumvolventes* in altum nitantur nullis *clavi-*
culis donatæ; æque ac sub specie IV. ex *Marggravio*,
 quod *Icipo Brasiliensum* arboribus se *circumvolvat*.
 Quibus subjungit *Rajus*, quod cum *Bryonia nigra* hanc
 speciem ex eo conjunctam voluerit, quod consimili-
 ter *caule* scandat. Quam autoritatem magni esse mo-
 menti, non est inficias eundum. Nihilo tamen secius,
 si solertissimo & in re Botanica alias versatissimo *Her-*
 37. *manno* credimus, ejus verba in Flor. Lugd. Batav. 1690.
 ibid. edit. appendice omissoꝝ, emendatoꝝ & er-
 rato-

ratorum p. m. 257. inspicientes, tunc *Bryonia nigra* cum omnibus ejus speciebus ad plantas scandentes *capreolatas* bacciferas erit referenda. Id quod confirmare non solum videntur *Parkinsoni* verba, sub specie 38. prima *Bryoniae nigrae Dioscoridis* a *Rajo* ipso, qui tamen contrariam tuetur sententiam, citato loco adducta, quod nimirum ex radice crassa exterius nigricante, flavescente intus, succo lacteo praeagnante viscido & digitis adhærente, multa emittat sarmenta, longa, viridia, foliis obsita latis, acuminate, integris & divisis per margines æqualibus, obscure viridibus; e quorum sinubus *capreoli* exeunt tortiles, quibus obvia quæque adprehendit; sed & autoritas *CLmi Volckameri*, qui in *Flora Noribergensi Bryonia omni caules scandentes* cum *capreolis* assignat. (3) Ex numero convolvulorum nostrorum abire jubemus *Vitim vini-feram* quam *capreolis*, quorum ope se erigit & in altum scandit, gaudere, in vulgus quoque notum est. *Secundi* generis est *Nasturtium Indicum*, cum suis speciebus (1) *Viola Indica* scandente flore flavo, (2) eadem flore sulphureo seu luteo dilucidior, & (3) *Viola Indica* scandente, maxima odorata ab *Hermanno* Flor. Lugd. Batav. p. m. 628. memoratis. Hoc quamvis non tantum *C. Baubino* *Phytopinac. lib. VIII. Sect. III. p. 615.* ad convolvuli genera pertinere videatur, sed & *Volckamerus* in *Flor. Noriberg.* & *Hermannus* in *Flor. Lugd. Batav.* eidem caules scandentes absque *capreolis* vicinosque stipites bacillosve suis complexibus involventes attribuant, nihilo tamen minus idem non aliter quam per *foliorum pediculos* tortiles memoratos scandere

- 43 dere, & ἀνὸςφία propria & autoritatibus *Joh. Bauhini*
 & *Raji* nobis constat. Ab hisce recensitis generibus
 44. eorumq; speciebus per multum differt (3) *Solanum scan-*
 45. *dens* sive *Dulcamara*, de qua *Rajus* equidem hist. plant.
 tom.I. sect.I. cap. 4. p. m. 157. sub lupuli histo-
 ria dicit, quod plane dissimilis a reliquis convol-
 vulis in eo sit, dum non in *alterutram*, sed nunc in
hanc nunc in *illam* partem flectatur, adeoque nec *solem*
sequatur, nec *refugiat*, sed *ambigat*. Et tom.I. lib.XIII.
 p. m. 672. quod sarmenta lignosa, fragilia, tenuia, vici-
 nis sepibus aut fruticibus se *circumvolventia*, emittat.
 Quoin sequi videtur vir C.L.mus *Dioscoridem*, *Mat-*
thiolum, *Dalechampium* & alios, qui eidem caules
 46. *volubiles* adscripsere. Verum cum talis ascensus spiralis
 intuentibus haud pateat, & non nisi *caules* modo *repti-*
les, ut in rubo, modo iterum *rectos* hæc planta ipsis
 prorsus ostendat, quale quid paucis ab hinc diebus in
 illa, quæ foliis pictis gaudet specie, sedulo fuit ob-
 servatum; ea propter ex numero convolvulorum no-
 strorum merito excluditur, atque ad rubum, quocum
 in hoc ipso convenit, remittitur. An vero a *Casp.*
Bauh. Phytop. lib. VIII. sect. I. p. m. 591. memorata
Quimbaya planta per caulem scandens sit, nobis equi-
 47. dem non constat, nec lubet de hac quicquam fari, ta-
 centibus non modo *Rajo*, *Hermannio*, & qui plantarum
 exoticarum descriptionem nobis dedere, *Commelino* in
 horto Malabarico, & *Sloano*, in descriptione Insu-
 læ Jamaicæ, sed & *Mentzelio* in catalogo plantarum mul-
 tilingui. Non paucas ex his, incertum qua ratione, a
 48. *Casp. Bauhino* sub classe convolvulorum Phytop. lib.
 VIII.

VIII. sect. 1. vidimus locatas, quarum locum potiori forte jure occupassent ex sect. II^{da} *Apocyni* species prima *sub rotundo folio non repens* & *Periclymenon* (de quibus utrisque fatetur, quod proxima circumplectantur & iis se convolvant) & ex sect. IV. *Batatas*.

Accuratus porro convolvulos lustrantes observamus, eos plexu suo spirali non eundem sequi motum, sed horum alios a *dextra ad sinistram* sive ab *ortu ad occasum* (uti *Rajus* equidem numerat, cujus tamen contrarium nobis magis consuetum videtur) gyros suos torquere, alios vero a *sinistra* adversus *dextram*, seu ab *occasu* adversus *ortum* ridicas seu perticas proximas circumgyrare. *Primi* ordinis species, si præsertim, quæ scriptis nobis innotuerunt, exoticas omnes consideres, sub pluribus generibus militant, quarum tamen ceteris magis obviæ, & in præsentī recensitæ, sub quinque tantum locatæ existunt *Lupulo* nimirum, *Periclymeno*, *A-* 50.
pocyno, *Frumento Saracénico* & *Convolvulo* specialissime sic dicto. Singulæ illæ statim, ordine recensendæ, species viam hanc a dextra ad sinistram tam pertinaciter custodiunt, ut ab hac, etiamsi fasciis in aliam deflectantur, nullo modo deduci possint. *Rajus* dicit illos motum solis observare, ex quo, ut hoc obiter addamus, autorem hunc *Tychonianæ* favere hypothesei haud obscure colligere licet. Primus ex his est *Lupulus* cujus *duæ* species, quarum prima *sati-* 51.
vus, qui vel ex tenui radice, vel ex caulium segmentis in terram a lupulicolis absconditis, ac deinde radices agentibus, nascitur. Caules ipsi tortiles, hirsuti &

spinosi, inæqualiter angulosi, purpurascens & concavi, quorum ope initio per raros, de hinc vero frequentiores gyros adminicula ipsi posita ambit atque ascendit, qui, ut eo citius maturescant, solent alupulicis scirpari vel fasciis alligari. Folia ipsius itidem hirsuta & spinosa, e geniculis bina adversa, pediculis palmaribus asperis, & interdum rubentibus adnexa, Morifolia fere imitata, integra in mucronem abeunt, in junioribus sæpe plane non-vel bifariam, in aliis plerumque tri-aut quinquefariam divisa, totidem mucrones ostentantia, per ambitum serrata. Ex horum alis prodeunt ramuli, ferentes strobilos, ab initio minutissimos, ex quatuor potissimum squamarum, in acuminibus extus sæpe rufescentium, intus viridium, ordinibus hinc inde dispositis contextos. Harum porro ex interstitiis emergunt ubique, uti ex tilia floribus, complures ex viridi flavescentes apices, quorum bini semper ac bini conjuncti corniculorum speciem referunt, futurique seminis capsulis insident, strobilis de hinc, semineque crescentibus decidui evadentes. Squamæ illæ, augmentum capiente strobilorum magnitudine, sensim colorem pallidum seu ex albo luteum acquirunt, magisque membranaceæ & laxæ redduntur. Semen autem ante viride, ad maturitatem veniens colore ruffo tinctum, saporem amarum offert gustantibus. Horum


52. curatiorem lustrationem imposuit nobis difficultas sane notabilis, ex collatione *Matthioli*, *Bauhinorum*, & qui *Morisonium* allegant, *Hermanni* & *Volckameri* oborta, quæ, nostra equidem ex opinione, ex eo potissimum videtur prognata, dum alii *sativum nostrum* ma-

rem

rem, sylvestrem vero alterum fructu carentem, foeminam; alii e contra hunc marem, illum autem foeminam nominarunt. Nobis, quod salva tantorum virorum autoritate dictum volumus, ipsa φύσις in sativomonstravit & flores, & subsecutos fructus. Sylvestrem vero duplicem iterum vidimus alterum qui cum 53. priori in omnibus exceptis hisce convenit, quod sponte ad sepes & vepreta proveniens, absente cultura ipse sibi fulcra quærat, caulesque & fructuum squamas multo minores ostendat, alterum vero, hic loci Νέσσελ 54. Hopsen vocatum, qui modo memorato cetera plane similis in eo tantum differt, quod flores a prioribus figura in totum diversi, sambucinis quadantenus similes, clausi ex viridi pallescentes globulos repræsentent, qui dein successu temporis explicati albidii, quinque lobos seu filiquas valde minutas, intus & extus complicatas, totidem petiolis ex floris centro exeuntibus insidentes, atque calici pentapetalo minimo, extus paulum hirsuto incumbentes ostendunt, quæ a latere sese aperientes nihil nisi pollen minutissimum albidum, Lycopodii ad instar, fundunt, nullo sequente fructu iterum evanescentes. A sinistra ad dextram, nostro numerandi modo, has omnes scandere species, in vulgus quoque notum est. *Periclymenum* quasi περικυλιόμενον, ἀπὸ τῆς περικυκλῶσιν circum- 55. cingere, vel *Caprifolium*, (quod tamen perperam dici affirmat *Matth. Comm.* in lib. 4. *Dioscorid.* cap. XII. pag. m. 691. quia hæc a se invicem differre c. l. fuscè differit) duplex est, non *perfoliatum* & *perfoliatum*. Illius prima species *Periclymenum vulgare Germanicum*. Ejus radi- 56. ces.

ces ex *J. Baubini* descriptione lignosæ & reptatrices sunt. Viticula ipsi plurima adminiculis indigentia, tenuia, longa, lignosa, in ramulos divisa seque convoluta, cauliculis & geniculis intercepta, leviter in junioribus pilosa. Folia ad genicula ex intervallis bina & acuta, longiuscula, dilute virentia, inferius tamen incanescentia. Flores in summis ramulis complures pariter emicantes albi, interdum flavescentes, oblongi, odore (nocturno tamen magis tempore) suaves, tubæ bellicæ rectæ aut promuscidi similes, ex corniculato principio angusto in latius orificium fatiscentes, laciniatæ simbræ ligularumque pulchritudine spectabiles, intus cavi, staminibus aliquot e medio exeuntibus. Fructus acinis sambuci similis, rubens tamen per maturitatem, conglomeratus, in quo semen duriusculum. Germaniæ nostræ frequens est, ita ut in dumetis & vepretis sylvestribus frequenter reperiatur. Notatu digna sunt quæ de periclymeno hoc partim

57. *Matthiolum* loc. superius cit. partim *Rajus* hist. Plant. Tom. II. Lib. XXVI. cap. V. p. 1490. referunt: caulem ejus a radice simplicem assurgentem frutices quibus se convolvit, adeo & sæpe tam pertinaciter ligare, ut non modo manifestum iis imprimat vestigium, sed & impedito per ligaturam recto succi motu, eosdem monstrosa figura in cochleam clavasque turgescentes contorqueat. Cujus, cum hisce diebus egregium exemplum in *fagi* cujusdam trunco mole non adeo exiguo ex benevola maxime Reverendi Domini Præpositi von der Hardt communicatione nobis obvenerit, delineationem subungere voluimus. Erat autem hujus
dia-



diameter in inferiore parte usque ad helicis A. principia $1\frac{1}{2}$ digit. Quo in loco Periclymeni caudex B. cuius diameter non nisi dimidium digitum æquabat, truncū ambiens, ita quasi strangulatum dabat, ut spiræ turgescens diameter duos digitos non modo superaret, sed & Periclymeni caudicem prorsus obtegeret & absconderet, qui tandem non nisi in bifurcatione C. conspicuus reddebatur, decimam digiti partem crassitie adæquans, altero bifurcationis ramo D. ad quem non pervenerat, intacto relicto. Secunda hujus species 58. est *Periclymenum flore rubello Germanicum*, a priori non differens nisi quod majus & elatius sit illo, magisque ramosum & patulum, foliis quoque majoribus. Flores equi-

dem *Parkinsono* majores videntur, *Rajo* tamen dissentiente, & potius graciliore tubo, pluresque simul congesti, rubentes dum adhuc in gemma sunt, expliciti vero exterius tales, interius autem candidi. Alterum *Periclymenorum* genus *perfoliatum* est, cuius prior species *Italicum* a vulgari nostro, secundum *J. Baubinum* differens foliis pene glaucis, rotundioribus & pediculis brevissimis, quorum quædam sæpe continua a viticulis trajecta & pertusa; suprema autem acetabuli instar modice

- dice concava, ex quorum cotyla flores prodeunt præcedentibus similes, ex purpura albescentes, aut in luteum languescentes, breviores tamen & minores.
60. Semen prioribus simile. Posterior species *Virginianum* semper virens & florens appellatur, juxta *Herman. Hort. Lugd. Batav. p. m. 484.* præcedenti in omnibus partibus minor & gracilior, cetera conformis. Floret per totam æstatem sub nostro sole, referente *Volckamero Flora Norib. p. m. 323.* Quia tamen frigoris præ Italico impatiens, per hyemem reponendum est. *Apocynum* à *no* & *is* novè ita dictum est, quod canes necet. Hujus plurimæ reperiuntur species, ex quibus quatuor
61. hac vice tantum adducemus. Prima erit *Periploca scandens*, folio oblongo, flore purpurante in Catalogo horti Medic. Altorph. *Apocynum peregrinum.* Nascitur hoc observante *Job. Bauh.* e radice late se dispergente & subinde progerminante, sarmentis pluribus, duris, lignosis, lentis, fractu invictis, rutilantis ex fusco coloris, multis nodis distinctis, quibus arbores excelsas vel frutices, spiræ in modum complectitur, unde *Periploca* dicta. Folia e sarmentis bina prodeunt opposita, ex lato principio sensim dilatata, in mucronem acutum paulatim abeuntia, obliquis a medio nervo venulis, cis margines desinentibus, ut in *Myrto Laureæ*, quarum extremitates colligit vena, totum ambitum circumiens, viridis. Flores extremis ramulis laterali-bus quaterni, quini aut plures veluti umbellam conficientes, quorum singuli quinque foliis radiatis constant, inferius glabris & ex luteo virescentibus, superne hirsutis, obsoleta purpura (cujus mediam aream Rhom-

Rhomboides macula viridis obtinet) imbutis, oris vire-
 scentibus, corollam efformantibus, qua exortus con-
 currunt foliorum, purpuream, quinque similis coloris
 staminibus emissis intrò recurvis. Medium ex his
 occupat quinque partitum, albidum, villosum capitu-
 lum. Floribus succedunt filiquæ Rhododendri, ob-
 longæ, torosæ, geminæ ut plurimum & extrorsum a-
 liquantum inflexæ sive divaricatæ, mucrone deinde
 coalescentes, quibus apertis papposa lanugine in volu-
 tum semen apparet. A dextra ad sinistram illud scan-
 dere, innuere videtur delineatio *Dalechampii*, in qua
 omnes flexuræ sinistram versus tendunt. Huic succe-
 dit *Apocynum angusto Salicis folio*, quæ ejusdem gene- 62.
 ris planta. Priori per omnia fere similis invenitur, inquit
Clusius lib. I. hist. plant. rarior. p. m. 125. sed tenuiori-
 bus ramis, multoque angustioribus foliis non minus
 tamen viridibus & nervosis. Hoc sequitur *Scammonia* 63.
Monspeliaca, seu *Apocynum Monspeliacum flore par-*
vo. E Radice hoc oritur longa, digitali crassitie, al-
 ba, fibrosa, succoque plena. Sarmenta ejusdem longa,
 teretia, bicubitalia, ramosa. Folia opposita, ad pedi-
 culum falcata, Afari illis similia, teste *Joh. Baub.* in mu-
 cronem desinentia, lata, densa, albida & glabra, un-
 cia longioribus pediculis inhærentia, succo item lacteo
 prægnantia, sarmenta ornant. Flores ex foliorum si-
 nu pediculo orto multifido insident plures, confer-
 tim congesti, parvi, stellati, albi. Semen angulosum in
 utriculo minore quam *Aristolochiæ*. Nascitur ad ma-
 re prope Monspelium. vid. *Raj.* Tom. II. lib. XX. cap.
 VI. p. m. 1088. A dextra ad sinistram illud scandere

- monstrat pulchra *Mathioli* delineatio Comment. in lib.
 64. IV. *Dioscor.* cap. 155. p. m. 871. Hoc excipit *Apocynum*
lati folium amplexicaule, *Apocynum tertium latifolium* *Clusii*, *Scammoniae* *Monspeliacæ* *affinis*. Radix hujus candida,
 fragilis, sarmentosa & fibrosa, pari ratione sarmenta, qui-
 bus abundat, longa, tenuia & viridia secundum *J. Bau-*
hinum, emittit. Folia *Hederæ*, mollia, subcineracei colo-
 ris sunt, tantaque fucci lactei copia cum sarmentis tur-
 gida, ut leviter tacta & læsa copiose idem profluat. Flo-
 res ex alarum sinu multi, umbellæ fere in morem,
 prodeunt, candidi, parvi, quinque foliis, perinde ac
Asclepiadis, ornati. Siliquæ præterea similes, multo
 tomento & lanugine plenæ, qua semen occultatum pla-
 num ex cineraceo fuscum, nascitur. Reliquæ *Apocy-*
ni species, caule volubili præditæ, in præsentī nobis sunt
 omittendæ, cum limites dissertationis academicæ ali-
 as excessurum sit argumentum hocce, & numerus re-
 liquorum convolvulorum isque non exiguus nos ad
 se vocet. Laudabili autem opera omnes hujus *Apo-*
cyni species volubiles congeffit, atque Paradiso Ba-
 tavo insertas exhibuit *B. Hermannus*, ubi recensitis,
 a pag 52. ad 62. speciebus XIX. ab hac ad pag. 65. ex
Horto Malabarico alias XI. subjungit, atque ab hac us-
 que ad pag. 69. cum X. ex hist. mexic. *Rechii* desum-
 tis, concludit, adjectis multarum descriptionibus. Illas
 autem cum reliquis ad hanc tractationē spectantibus v.g.
phaeolis quibusdam, iisdemq; accensendis; *Rizophoræ*
 speciebus aliquot; *Betre*, aliisq; potissimam partem exo-
 65. ticis, peculiari & integro *de Convolvulis* tractatu Deo
 propitio volente, Dn. Præses recensēbit & persequetur.

Eru-

Frumenti Saracenicici siue *Fegopyri* altera species convolvuli modo scandens, a *Casp. Baubino* Phytop. p. m. 584. *Convolvuli minoris*, semine triangulo nomine insignita, a *Parkinsono* convolvulus minor *Atriplicis folio*, est appellata & *Morisonio* Hist. 2. p. 590. & *Hermannio* Hort. Acad. Lugd. Bat. p. m. 263. jure & ex rei veritate ad frumentum *Saracenicum* relata, cum ad Convolvulos specialissime sic dictos si nota characteristica a floribus & seminibus &c. uti par est, sumatur, non pertineat. Radice gaudet secundum *Raji* descriptionem ramosa, lutea, lenta, nullo sapore insigni donata. Caule vero infirmo, alienæ opis indigo, a radice statim ramoso, pluribus prælongis tenuibus flagellis in altum emicante; folia ad intervalla rara, alternatim aut singulatim posita, pediculis semiuncialibus aut longioribus insistencia triquera *Hederæ* similia, per margines æqualia. Flores racematim cohærentes, albidi, hexapetali, alii semine cassi, interdum sese aperientes, alii eodem prægnantes & perpetuo conniventes; semina triquetra; satis grandia, ex obscura purpura nigricantia, continent. A dextra ad sinistram eum scandere extra moenia urbis hujus hinc inde vidimus. Ex convolvulis specialissime sic dictis ad hanc classem pertinentibus sunt (1) *Scammonia Syriaca*, item Sy- 67.
riaca flore majore *Convolvuli*. Radice hæc gaudet longa, crassitudine brachii ut vult *Joh. Bauh.* exterius obscure cinerea, interius alba, fibrosa succoq; lacteo prægnante, ex qua aliquot cubitorum sarmenta prodeunt quæ plurima, obviis stipitibus sese caule volubili implicantia. Folia in triangulum instar mucronis hastilis barbati,

- bati, tendunt, convolvuli vulgaris æmula sed minora, glabra, tenuia, viridia, brevibus petiolis insidentia. Flores calathoides purpurascens ex alis foliorum prope summos caules exeunt, quos capsulæ seminales rotundæ, seminibus angulosis, nigris, refertæ, sequuntur. Locum ejus natalem titulus statim indicat. A dextra illud scandere ad sinistram patet ex delineatione *Matthioli* Comment. in lib. 4. Diosc. cap. 165. p. m. 870.
68. Hujus species est (2) *Scammonia macrorrhizos*, quæ à Syriaca non nisi sola radice, teste *Alpino*, tenuiore, pollice unico tantum crassâ, longa tamen, differt. His
69. porro annumerandus venit (3) *Convolvulus Scammonia foliis æmulus*, qui referente ex *Morisonio*, *Rajo* hist. plant. l. XV. c. IV. p. m. 722. e radice crassâ longe lateque repente caules acquirit volubiles, quorum folia ut *Scammonia* triangularia, ab basin tamen latiora, minus quoque acutis angulis. Flores dilute pallidi, campaniformes, herbacei coloris, *Scammonia* quodammodo æmuli, quos sequuntur capsulæ seminales prioribus similes. Delineationem ejus promiserat nobis accuratam Beatus *Hermannus*, ceu testatur Catalogus plantarum æri incidendarum in sequentibus operibus, quem operis posthumi evulgator, *Paradiso Batarvo* sub finem adnexit. Ast cum præmaturum ejus ex hoc mortalitatis terrestrique paradiso, discessum, merito lugeat Botanophilorum cohors, hac in parte nos quoque de ipsis, ad quodnam latus fiat, ascensu, nil certi definire possumus. Nihilominus autem ad classẽ hanc pertinere convolvulum præsentem ex eo probabile nobis fuit visum, quoniam *Morisonius* inter momenta, quibus

bus a *Scammonia* differt, non nisi foliorum structuram & radicem magis repentem numerat. (4)

Jasminum Millefolii folio, aliis *Quamoclit*. Hoc 70. ad hanc classem convolvulorum spectare non solum ostendit delineatio Clusiana curis ejus posterioribus pag. 5. inserta (in cujus tamen flexura media error a pictore commissus videtur & caulis non ex obvia nobis parte, sed pone fulcrum ascendens, fuisset indicandus) Sed & ad Convolvulos idem referunt *Rajus* p. 730. hist. pl. *Hermannus* Catal. Hort. Lugd. Batav. p. m. 337. & *Volckamerus* Flora Norib. p. m. 121. Planta autem est anadendras succo lacteo prægnans, uti *Clusius* loc. cit. ex descriptione *Fabii Columnæ* refert. Viticulis purpurascens, seu uti *Rajus* vult, atrorubentibus, alternatim hærent folia, pinnata, tenui admodum divisura, obscure virentia, sed tenella, pallentia, paucis primum lobis, deinde pluribus utrinque, ad terdenos usque, & unico in summo; At priores lobi bifurcantur. Flores oblongi sunt, tubulosi, quinque partiti tamen in summo, roseo colore hilares, lineis sive plicis striatis, longo petiolo duobus vel singulis in fidentibus, alternato situ ex geniculis viticulorum apicibus quinis, pallidis. Fructu deinde, sequente & longo, ex squamoso calice, in apicem desinente, cartilagineo cortice obducto, ut vulgaris convolvuli sed angustiore. Semina intus reperiuntur, quatuor, oblonga, nigra, dura, acri gustu. (5) hujus classis est *Turpethum repens foliis Althææ* vel 71. *Indicum*, seu *Convolvulus indicus alatus maximus foliis Ibisco nonnihil similibus*. Hunc *Hermannus* in Catal. Hort.

Hort. Lugd. Bat. p. m. 33. memorat radice, longo reptatu varioque, ad tria quatuorve cubita descendente, pollicem & amplius crassa, lignosa, in aliquot ramulos divisa, crasso fuscoque cortice tecta, constare, ruptumque stillare succum lacteum, glutinosum, in pallide flavescentem resinam illico concreascentem, gustus primum subdulcis, postmodum pungitivi, vomitum minantis. Sarmenta ejus (eodem pergente) ramosa sunt, quatuor alis donata, varios in *gyros* sese *contorquentia*, lignosa prope radicem, digitali crassitie, rufescentia, in progressu vero viridia, sex septemve ulnarum longitudinem aliquando superantia, quorum nonnulla humi procumbentia, alia vicinis pedamentis sese multiplici *circumvolutione* implicantia, cernuntur. His adstant ex carinatis alatisque petiolis folia, ut nomen indicat, Althææ nonnihil similia, mollia, incana, raraque lanugine vestita, angulosa, in ambitu crenata, leviter mucronata. Ad quorum sinus circa ramorum summitates exeunt pediculi, superioribus longiores, robustiores, alis & carina omnino destituti, sustinentes terna aut quaterna 'capitula oblonga, mucronata, quinque viridantibus in rubro foliolis conflata, quæ singula producunt florem monopetalum, Convolvuli vulgaris magnitudine & forma, candidum, intus quinque pallescentibus apiculatis staminibus, cum sexto intermedio subjectæ seminali capsulæ impacto, refertum. Flore excusso, capitula expanduntur, in quorum centro conspiciuntur quaterna, rotundo-angulosa, nigricantia semina, Piperis magnitudine, inclusa vasculo tenui, membranaceo, subrotundo, depresso, qua-

quadripartito. A dextra scandit ad sinistrā, uti ex eleganti, accurata, & pulchra delineatione *Hermanni*, loco supra citato, liquido constat.

Sequuntur nunc convolvuli prioribus quoad ascensum gyrorū contrarii & a *sinistra, ad dextram*, uti *Rajus* numerat, seu uti nobis loqui mos est, a *dextra* ad *sinistram*, scandentium. Hi sub tribus generibus comprehenduntur *Phaseolo*, *Cuscuta* & *Convolvulo* specialissime sic dicto. Ex *Phaseolis* restim ducit (1) *Smilax hortensis*, seu *Phaseolus major*, aut *vulgaris*. Nascitur hic teste *Rajo* hist. pl. T. I. l. XVII. sect. l. c. l. p. m. 884. radice tenera, fibrosa & subtili, caulem flexilem, in æqualiter angulosum, colore viridem atque prælongum, gignente. Folia ad intervalla exeunt in communi pediculo, terna, Trifoliorum more, ex basi expansa, in acutum mucronē desinentia, per margines æqualia, glabra & obscure viridia. Prodeunt ex alis foliorum flores duo tresve, interdum plures, ad sex usq; simul in eodem communi pediculo, seu furculo breviusculo, purpurascens, albi vel pallidi, in quibus petalum superius non reflectitur retrorsum, sed concavum est, & ad latera striatum, lateralia duo ampla sunt & concava. Ad basin unius cujusque floris præter calicem, duo folia concava, triangula, nullis pediculis donata, ad florum nondum expansorum tutelam, adponuntur. Floribus succedunt siliquæ palmum & sesqui palmum longæ, angustæ, compressæ, crassæ & carnosæ, cum teneræ adhuc sunt edules, sex, septem aut plura semina continent, renis figura, sinum in medio impressum habentia, lævare eximio, colore mirum in modum va-

- rio, albo, cinereo, luteo, glauco, rubente, cæruleo, amethystino, albo nigris venis & lituris distincto &c. Ab hoc in paucis differt (2) *Phaseolus niger, peregrinus XIV.^{tas} Clusii*, seu *Æthiopicus* lobis teretibus, initio viridibus, deinde flavescentibus, fructu maturitatem adepto, nigro. Congeneres quoque & *Smilax horten*si nascendi modo haud dissimiles sunt (3) & (4) *Phaseoli tumidi nivei, minor & minimus*, non nisi sola fructus quantitate paulum ab invicem differentes, qui magnitudine vulgatis phaseolis, ex *Job. Baubini* observatione, minores, nec ut illi sinuati circa umbilicum, magis tamen pulvinati & tumidiores ubique. Colore nivei, splendentes ac si ex ebore essent tornati. Idem quoque sentiendum est (5) de *Phaseolo lata siliqua, fructu exiguo, umbilico candido*, qui ex floribus purpureis, in siliquis scabris, vulgari Phaseolo brevioribus & latioribus, reperiundus. Fructus exiguus, Pisi vulgaris *Clusio* ad *Monard.* cap. XLIX. p. m. 336. magnitudine, totus præterea niger, nisi qua parte siliquæ adhæret, quæ candida est. Ejusdem quoque porro indolis est, (6) *Lablap*, seu *Phaseolus Ægyptiacus nigro semine*, qui sarmentosam, uti *Alpinus*, referente *Rajo* cit. loc. p. m. 888. loquitur. arborē refert ad vitis magnitudinem & formā crescentem. Flores singulis annis bis fert, vere nimirum & autumnō, Phaseolorum floribus aliquatenus similes, à quibus siliquæ longæ, & fabarum ad instar latissimæ, cernuntur, quæ semina Phaseolis plane similia continent, quorum alia nigra, 78. alia subrubra sunt. (7) *Phaseolus seu Smilax horten*sis *Anagyridi similis fere colore rubescente*, *Peregrinus III^{tim} Clusii*. Sarmentis ille suis oblongis, ut inquit. *Clusius* cap.

lib. VI. cap. 41. histor. rarior. plant. p.m. CCXXV. ex singulari caule statim secundum radicem ipsam prodeuntibus inque multos ramos divisis, juxta alas purpurascens reliquorum phaseolorum more fulcra scandit vicina, ex quibus nascuntur folia terna, minus ampla vulgari, & dilutiori colore virentia, longo pediculo inhærentia, qui ex parte, qua folia sustinet, contrariaque, qua sarmentis in hæret, ex atro purpurascit: Flores in oblongis pediculis plerumque bini, magni, Pisi forma, foris ex candido pallescentes, interiori vero parte ex purpura cœrulei. His succedunt totidem prælongi lobi, teretes & quasi cylindracei, in quibus fructus reliquis phaseolis minor, Anagyridis legitimæ fructui pene similis, rubescentis coloris. Cum hoc in quibusdam, partibus videlicet sarmentis, convenit (8) 79. *Phaseolus Saburni fructu ex nigro sub virescente*, sive *Ægyptius flore luteo*, *Clusii peregrinorum V^{us}*. Folia ejus vulgaribus minora, coloris ex atro virentis, Trifolii palustris Mænianthis formam referentia, circa pediculos purpurascens vid. *Clusius* lib. VI. cap. 41. p.m. CCXXV. Flores spicæ in modum congesti, magni, pisi vulgaris magnitudine & forma propemodum, coloris flavi, in oblongo crassiusculoque pediculo ad foliorum exortum prodeunte, nascuntur. Lobos autor ipse non conspexit, sed ab aliis, ut refert, breves, angustos, terna aut quaterna grana continentes, esse tantummodo intellexit. Quæ vero semina ipse vidit, fuere parva, Laburni granis non minora, utroque tamen mucrone plerumque obtusiore, pulli coloris seu potius ex nigro subvirescentis. (9) *Phaseolus Africanus* 80.

- parvus*, teste *Rajo* scandit phaseolorum more. Folia ternata, minora strictioraque quam in vulgaribus, obtinet, paulo duabus unciis longiora non totam semunciam lata, nervosa, glabra, crassa. Flores ex obsoleta quadam fuligine in luridum pallorem languescunt, vix dehiscences. Siliquæ sesquipalmm longæ, vulgaribus angustiores, vix culmum latæ, grana claudunt non nihil candicantia, dimidio minora Phaseolis nostratibus, circa germen fusca. (10) *Phaseolus Purkircherianus*, peregrinorum *Clusii* *I^{mus}* sarmentis reliquis similis. Folia vulgaribus paria sed atriora, e quorum alis, breves prodeunt ramuli, multis floribus, minoribus vulgaribus, albis, uvæ in modum congestis, superbientes, quibus succedunt oblongæ siliquæ seu lobilatiores vulgaribus multo, continentes ternos aut quaternos fructus planos, communibus Phaseolis latiores, albos sed multis nigris maculis sive venis ab hilo in latitudinem ductis, elegantissime depictos. Cum hoc in multis plures a *Clusio* Hist. plant. rar. lib. VI. cap. 41. p. CCXXV. & sequ. memorati conveniunt, nempe (11) *Phaseolus peregrinus* *VII^{mus}* *Clusii*, hoc excepto, quod sarmenta non adeo luxurient, aut alte scandant. Folia paulo præcedentibus angustiora, flores, cum senescunt, pallelescentes, evadunt. Siliquæ paulo breviores, semina granis illius minora ex albo & nigro varia, interdum plane nigra, continent. Plane autem cum ipso specie iidem a *Rajo* hist. plant. tom. I. sect. I. cap. XVIII. p. m. 886. judicantur (12) *Phaseolus peregrinus* *VIII^{mus}*, & (13) *LX^{mus}* *Clusii*, quorum illius folia Purkircheriani minora, hujus fructus eodem major

jor sed totus fere albus. Neque ab illo quoque differt multum 14) *Peregrinus X^{mus} Chusii*, nisi quod florum ga- 85.
 lea obsolete purpureſcat, & bina lateralía folia coloris ſint floridioris, vaginæ vero fuſcæ, nigricantes, ſemina continentes plana, Purkircherianis minora, per maturitatem prorfus nigra. Huic præcedenti ſimilis fere eſt (15) *peregrinus XI^{mus} Chusii*, qui flores VII^{mo} & 86.
 VIII^{vo} pares, vaginas ſeptimi & octavi generis lobis ſimiles habet, in quibus ſemina tria vel quatuor, plana diluta rubedine prædita, quæ nigra venis ſeu radiolis ſecundum longitudinem diſtincta ſunt, non nunquam magnis, vel exiguis maculis nigris, confuſe aſperſa, interdum etiam utrinque prorfus, vel altera duntaxat ex parte nigra, emicantibus ſparſim parvis rubentibus maculis, ut ex marmore aliquo ποικίλῃ torturata videatur. Huic autem per omnia propemodum ſimilis (16) *Peregrinus XII^{mus} Chusii*, niſi quod flores 87.
 X^{mi} floribus valde pares, paulo tamen dilutius purpureſcentes: Fructus autem magis diluta rubedine præditus, tegularumque colorem quodammodo reſerat, quem raræ per longitudinem nigræ ſtriæ varium faciunt, aliquando autem plurimæ totum pene atrum reddunt. Decimo ſuperiori memorato *Chusii* cetera non diſſimilis eſt (17) *Peregrinus XIII^{mus} ejusdem*, lobis 88.
 tamen longioribus & quaſi cylindraceis, non fuſcis aut nigricantibus ut illius, ſed per maturitatem nigris duntaxat venis confuſe ſparſis, inſignitis, octo, novem, aut plura interdum continentibus ſemina, renis quidem formam exprimentia, ſed longiora, tumidiora, atri omnino & ſplendentis coloris. Floret paulo ma-

- turius superioribus, eam ob causam semen facilius matrescit. (18) *Peregrinus XV¹⁸⁶ ejusdem Clusii*, in eo a Phaseol. nigro sub num. 2. memorato differt, quod sarmenta ejus magis purpurascant; terna illa longo pediculo inhærentia folia, pro parvis appendicibus, qua in aliis generibus, bina interdum foliola adjuncta habent; flos etiam magis satur & prorsus Amethystinus; lobi præterea, initio quidem virides, paulatim purpureum colorem contrahant, maturitate tandem purpureum saturum & fere nigrum. Ita hunc & reliquos antecedentes peregrinos descriptos nobis dedit *Clusius* hist. rarior. plantar. lib. VI. c. 41. p. CCXXV. sequi.
89. tur 19) *Phaseolus Brasiliensis foliis longa lanugine obsitis, fructu magno*, qui ex descriptione *Joh. Baub.* quam recenset *Rajus* tom. 1. Lib. XVIII. sect. 1. cap. 1. p. m. 888. Castaneæ magnitudine est, orbiculatus, unciali plus minus latitudine, pulvinatus, cortice tectus rugoso, spadiceo, dilutius saturatioreve, circa hilum vero dilutius & fere albicante; cujus orbitam totam fere ambit hilum pullum, culmum latum, sulco medio secundum longitudinem, exaratum, in principio punctum impressum habens, cui subnectit *Rajus*, singulare esse in ejus fructibus, quod hilum fere totum circulum ambiat. (20) *Phaseolus Indicus ruber, Pisum Americanum*, Sylvestris & volubilis hæc planta, inquit *Guilielmus Piso* notis ad *Jacob. Bontii* hist. natur. & med. lib. VI. c. 44. p. m. 136. 137. semper virens, arboribus se involvit, easque enititur tenaci sarmento. Rami alternatim sarmentis oppositi, uti & folia ad eundem modum æqualia, paria in quolibet ramulo, circiter digitum longa, figura
- Buxi,

Buxi, splendens, sine petiolis, ramulis ornate innitens, conspiciuntur. Ex parvis floribus siliquæ proveniunt omni anni tempore, quæ maturefactæ, dehiscunt, unde sex, septem vel octo semina apparent, in puellarum cultum cedentia, Pisi fere magnitudinis, sed paulo ovalis figuræ, dura, læto coccineo colore (quem tamen ex parte saltim ipsis concedit *Vesling.* not. in *Alpin.* plant. *AEgypt.*) splendens. Ad hanc classẽ eundem pertinere monstrat icon *Bontii* cit. loc. inserta. Ab hoc quoad crescendi modum haud differt (21) *Phaseolus quadrangulus*, a *Bontio* Lib. VI. nat. hist. 92. & med. cap. XLIV. p. m. 137. ita descriptus: Mirum hoc leguminis genus foliorum magnitudine & fructuum insueta figura ceteris præeminet, licet crescendi modo & qualitate iisdem Pisis, simile sit. Ex uno eodemque caule tria folia sibi conjuncta emergunt, atque ex eodem quasi centro pediculus provenit, ex qua *Phaseolus quadrangulus* dependet, Pisis rotundis repletus, qui ubi maturuerit, dehiscit, & fit edulis. 22 *Phaseolus hirsutus Africanus*. De hoc *Hermannus* Catal. Plant. Hort. Lugd. Bat. p. m. 492. testatur, quod, e feminibus, ex declivibus irriguis montis *Mensalis*, seu *Tabulati Promontorii Bonæ spei*, *Lugdunum* advexis, pronata fuerit planta sarmentosa, trium ulnarum longitudine, more *Phaseoli hortensis*, emittens ex radice, lignosa, alba, fibrosa, sarmenta tenuia, terna quaternave, valde ramosa; foliis subrotundis, obtuse mucronatis, subhirsutis, glutinosis, bitumen quadantenus redolentibus; floribus Papilionaceis flavis, aliquando lineolis purpureis inscriptis; seminibus rotundis, nigris, parvis, hilo al-

- lo albo exiguo, in siliquis parvis, tumidis, villosis, & qued diligenter custodita, vigeat tota hyeme, multos-
 94. que annos duret. Plures partim phaseolorum species, ut *Zurvatensem siliqua hirsuta*, (vid. *Rajus* tom. I. lib. XVIII. sect. I. c. l. p. m. 287.) *Indicum cochleato flore* Romani horti præsidis *Triumfetti*, (vid. *Rajus* tom. II^{do} Append. hist. plant. c. IX. p. m. 1890) *Brasilianorum Macunam* & *Jarobam Marggrafii* (Hist. plant. lib. I. p. m. 18. 19.) *Phaseolum flore coccineo Parkinsoni* (vid. *Rajus* tom. I. lib. XVIII. sect. I. cap. I. p. m. 884) &c. Partim vero illis accensendas ut *plantam leguminosam Brasilianam Phaseoli facie Breynii*, (plant. Exot. Cent. I. cap. XXXII. p. m. 78. icon. fol. 32.) *Pisum Americanum* aliud, *magnum, bicolor*, *J. Bauh.* (*Raj.* tom. I. lib. XVIII. sect. I. p. m. 890.) *Florem Clitoridis Terna- tensium*, *Breynii* (Plant. Exot. centur. I. cap. XXXI. p. m. 76. 77. Icon. Fol. 31.) in præsentī saltim nominasse sufficiat, quorum descriptionem citati autores benevolo lectori exhibebunt. Secundum vero classis hujus genus est *Cuscuta* sive nonnullorum *Cassutha*, cu-
 95. jus vulgo tres numerantur species. (1) *Cuscuta major* quæ uti *Joh. Bauh.* vult referente *Rajo* tom. II^{di} Append. cap. XXIII. p. m. 1903. alienæ quadræ affecla nunquam non parasitatur, ingrata hospes, quippe herbas fruticesque, quos semel arripuit, longissimis stramineis claviculis rubentibus tam arcto nexu complectens, ut eorum genium defraudet, subductoque alimento eos penitus enecet, nullis postquam in altum conscendit nixa radicibus, quibus tamen primulum erumpens non destituitur. Folia ipsi omnino nulla. Flores ad inter-
 valla

valla glomerati, caules non ambiunt verticillatim, sed ad unam duntaxat eorum partem pergunt; singuli autem quatuor foliolis (quæ calicis segmenta sunt) acutis, crassis & succulentis constant; intus vero stamina totidem medium florem occupant. Ad singulos florum glomerulos apponitur foliolum minutum membranaceum, quin etiam e signis illis, ubi flores nascuntur, caules ramos fundunt. Notandum vero hoc 96. loco est, Cuscutam ascensionis modo a reliquis convolvulis in eo differre, quod non assurgat gyris ab imo continuis, sed valde irregularibus, ita ut nunc, adminicula obvia, atque semel arrepta aliquoties ambiat, helicibus vel nihil plane, vel parum ab invicem distantibus, nunc vero cauliculum iterum, per intervallum aliquod, rectum protrudat, eidem vel alii adminiculo dein denuo sese involventem. Secunda est *Epithymum* sive *Cuscuta minor*. De hac equidem, num a 97. priori specie differat, dubius est *Rajus* cit. loc. p. m. 1904. *Parkinsonus* vero ibidem duas hæc species plane non distinguit. Ast in hoc ipso fidem potius habemus Illustri superioris Saxonie Machaoni *Wedelio*, qui in *Amœnit. materiæ medicæ* lib. II. sect. I. cap. IV. p. m. 244. *Epithymum Cuscutæ* esse *speciem*, expresse innuit. Cumque porro addat, uti nostra *Lupulum*, *Urticam* aliasque plantas; sic hanc *Thymum* ambire, licet & *odore*, qui *Thymum* refert, & *nodis* ac *filamentis* a *Cuscuta* differat; tantum abest, ut cum *Cuscuta* majori eadem omnino sit, ut potius luculenter satis pateat, eam *majori* specie contradistinctam esse. Tertia est *Cuscuta Americana* super arbores se dif- 98.

E fundens

- fundens*, de qua *Rajus* loc. sup. cit. scribit, quod super arbores late se expandat veli instar, tenuibus filamentis, ramosis, varie implexis & dependentibus. De flore aut semine nihil novit. Agmen denuo hac in classe claudet *Convolvulus* specialissime sic dictus cum plurimis speciebus, quarum (1) *Convolvulus Americanus Mechoacan* dictus, seu *Jeticucu Brasiliensium*, seu *Mechoacana alba*. Nascitur hæc ex radice medium aut integrum pedem longa, crassitie plerumque eadem, & ut plurimum dupla & bifida, una parte brevior, altera, exterius obscure cinerea seu fusca, interius alba, qua recens resinam quandam fundit. Caule gaudet farmentoso, observante *Georgio Marcgravi* lib. 1. histor. plant. cap. XX. p. m. 41. longissime serpente & scandente, multangulari, lento, ruffo, etiam viridi, qui incisus lacteum præbet succum. Folia solitarie posita, quodlibet in suo pediculo digitum longo, figuram habens cordis ut pingitur, duabus ad latera auriculis, tenera ad tactum, unum, duos, tres aut quatuor digit. longa, saturate viridia, inferius nervo aut venis transversis conspicua, quæ trita nullum præter herbaceum habent odorem. Florem fert *Convolvuli* magnitudine & figura, unico folio constantem, album cum pauco incarnato dilutum, intus autem purpureum. Semen continet *Pisi* magnitudine, fusci coloris, verum haud rotundum, sed quasi duæ particulæ exsectæ essent, ita ut fere triangularis sit figuræ. Ascensum ejus a *dextra* ad *sinistram*, seu uti *Rajus* numerat a *sinistra* ad *dextram*, ostendit icon *Dalechampii* Tomo 100. 11^{do}. Lib. XVIII. cap. CXXXI. p. m. 1902. An cum hoc

hoc ipso idem sit *Convolvulus Americanus Jalapium* seu potius *Gialapium*, vel *Gialapa*, (quoniam a *Gelapo* Americæ provincia ita dicta) seu *Mechoacana Nigricans*, inter autores non convenit. *Rajus* equidem Tom. II. hist. plant. append. cap. XXVIII. p. 1881. non saltim conjecturam D. *Tancredi Robinsoni*, Mechoacanam hanc a priori non aliter differre, ac radicem integram seu cortice vestitam ab eadem decorticata, probat, sed etiam addit, verisimile esse mercatores compendii causa viam invenisse, unam radicem, pro duabus obrudendi. Cui sententiæ aliquod quoque ex eo momentum videtur accedere, quod, uti *Rajus* hist. plant. Tom. I. lib. XV. sect. I. c. IV. p. 724. fatetur, Mechoacannæ nigræ descriptio apud Botanicos non inveniatur. Alii contra plane diversas hæc ab invicem plantas putant, & quidem ex diversis quoque regionibus apportatas, illam, nimirum albam, ex India occidentali, hanc vero nigram ex India orientali, quod quamvis veritati minus congruat, nihilo tamen minus in libris, qui de materia medica scripti sunt, quam plurimis tanquam duæ radices diversæ adducuntur, diversisque etiam temporibus inventæ. Præter hæc non saltim facies externa attenditur, quæ utique facta decorticatione alia reddi potuisset, sed & interna. Nigram enim medici vocant *Gialapam*, sensu quoque latiori, ob resinositatem, quæ, quo major adest, eo magis ab albedine recedit, & (ut hoc obiter addamus cum ad scholas magis medicas id ipsum pertineat) majori quoque pollet purgandi virtute. Hæc in præsentibus saltim memorata volumus & inde porro progredi-

102. mur (2) ad *Convolvulum majorem album* seu *Smilacem lævem* sive *lenem majorem*. Radicibus hic observante *J. Bauhino* albis, tenuibus sapore acriusculo præditis, late sese propagat, longissimis, contortis tenuibus, striatis viticulis, ope arrepti fulcri *ascendentibus*, instructus, ex quibus longis intervallis, pediculis uncia longioribus, hærentia folia, acuminata, hederaceis longe majora, duas alas hinc & hinc juxta pediculum promittentia, lævia, nitida, viridantia, ex quorum sinu profertur pediculus, longus, singularis, cui insidet flos unicus magnus, nivei candoris, calathi forma, cujus immum tubulum calix quinque foliolis oblongis compositus amplectitur. Duo in super foliola oblonga, triangula, carinata, circa margines purpurascencia, florem antequam aperitur, ceu folliculus excipiunt & occultant, ut & calicem flore dilapso. Tum stamina, tum stylus, tum eorundem apices albi. Semina in capitulo Cerasi parvi magnitudine rotundo continentur, fuliginosi coloris. Subnascitur nostris frequenter in oris ad dumeta & veprea ubi ascensum *ad hoc latus* fieri, *aulosia* unumquemque docebit. Huic autem annumerandus venit *Convolvulus major albus maritimus*, ceu eadem species, quia *Rajus* ipse utrum à majori albo *C. Bauh.* differat, dubitat. (3) *Convolvulus minor vulgaris, minor arvensis, Helxine Cissampelos* vel *Smilax lenis minor*. Radicibus albis, lentis, tenuibus, prodit. Sarmenta ejus (vid. *Raj.* Tom. I. lib. XV. sect. i. cap. IV. p. m. 725.) plurima, tenuia, infirma, interdum ramosa, per fulcra in altum scandunt, quibus destituta per terram sparsa repunt. Folia ipsi singulatim posita, pediculis longis, triquetra quodammodo, inferiora & majora unciam lata,

lata, fescunciam longa, angulis ad basin utrinque productis, velut auriculata, glabra per margines æqualia. Flores ex alis foliorum exeunt in pediculis longis, tenuibus bini plerumque, campanulati, colore, ut vult *C. Bauh.* Pin. Theatr. Botan. p. m. 294. vel candido, vel roseo, vel albo cum purpureo radiis albis picto stylo intus albo bifurcato & apicibus purpureis. Calix floris brevis, integer. Vasculum seminale subrotundum, exiguum, quatuor semina majuscula, angulosa, continet. Tota planta succo lacteo prægnans est, seque conspectui nostro his temporibus ubivis fere in locis neglectis, incultis & arvis contemplandam sistit.

(4) *Convolvulus arvensis minimus* ejus species est, nec^{104.} ab ipso nisi quod minor sit, differt. Ejusdem quoque fere indolis est (5) *Convolvulus minor Africanus*,^{105.}

folisque floribus ad basin non divisis sed integris, qui teste *Rajo* tom. i. Lib. XV. cap. IV. p. m. 725. purpurei sunt, ab illo abit. (6) *Convolvulus Althææ folio*, seu *peregrinus pulcher, foliis Betonicæ*. Radix huic, scrib. *J. Bauh.* tenuis est, exilis, fusca, per summos cespites repens; sarmenta tenuia, hirsuta, vicinis adminiculis sese *convolvuntia*, pedalibus aut cubitalibus longis pediculis insident, folia coloris argentei, tomento splendido villosa, infima quidem & radici proxima Betonicæ purpureis foliis similia sed multo minora, crispis serratisque marginibus, reliqua etiam laciniata & profunde incisa, gummosa *Clusio* (lib. III. Histor. plant. cap. XXXIII. p. XLIX.), si gustentur, subacria & subamara. Flores inter Helxines Cissampeli, secundum eundem *Joh. Bauhinum*, & Smilacis lævis medii quasi observantur, his

- tamen minores, illis majores, purpurascences, campaniformes, ex continuo unico folio conflati, longis pediculis hærentes, quorum basin ambit folliculus, ex pluribus foliis compositus. In hac planta notatu dignum existimat *Rajus* quod non lactescat aliorum convolvulorum more. Consanguinea ejus est *Helxine Cissampelos Dioscoridis, Zanoni*, vel plane, uti videtur, cum præcedenti eadem. Fatetur enim *Rajus*, quod in paucis differat ab hoc, ut vix possit sibi persuadere speciem distinctam esse. Si autem *Baubini* audimus *Phytotop.* lib. VIII. sect. 1. p. m. 584. eadem est cum Con-
107. volvulo minori arvensi. (7) *Soldanella maritima major*. Hujus folia inferiora, observante *Joh. Baub.* uncialibus pediculis commissa, falcata in morem *Phyllitidis* apparent, adverso fine rotunda, vel lacuna in medio exculpta corculum imitantia, fescunciam circiter longa, unciam lata, nervis obliquis a medio recta in latus exporrectis: Superiora *Hemionitidis* alterius peregrinæ *Clusii* modo auriculis pulchris geminatis (in quas nervi excurrunt) pinnata. Flores ex alis foliorum nascuntur magni, *Convolvuli majoris* plane similes. Semen in loculis rotundis non tantum nigrum, sed & album, angulosum, (cui tamen, quod albedinem seminis concernit, contradicit *Rajus hist. plant.* lib. XV. Sect. I. cap. IV. p. 726. sub. n. 12.) gustu falsum & amarum. Ejus species (8) *Soldanella maritima minor, vulgaris* seu *volubilis marina*, quæ ex observatione *Joh. Baubini*, cujus utimur verbis, per terram sarmenta spargens (quod ex defectu fulcri fieri certum est) folia gignit subrotunda, alis retusis prædita, latiora quam longiora,

giora, Chelidonii minoris similia, crassiuscula, succo lacteo manantia, petiolis longis insidentia. Flores magni purpurei, quadrantales fere & uniformes, non absimiles multum floribus herbæ quæ pro *Nil Avicennæ* exhibetur. Semine convenit cum priori. Quantum vero ex iconè à *Matthiolo* lib. II. Comment. in *Dioscor.* cap. 125. p. m. 368. & *Rauwolfio* in peregrinat. in orientem, adducta, colligere licet, *dextrorsum* versus *scandere videtur*, quamvis non adeo distincte. Parum abludit à descriptis (9) *Convolvulus marinus*, seu 109. *Soldanella Brasiliensis*, Lusitanis *Salsa do Praya*, rectius *Pisoni* lib. IV. Hist. nat. & med. Brasil. cap. LXV. pag. m. 258. *Convolvulus maximus*. Cum hoc quoque eundem esse *Convolvulum maritimum Zeylanicum folio crasso cordiformi*, seu *Bintamburu Zeylanensium*, *Hans Sloane* M. D. in Catal. plant. Insulæ Jamaicæ, affirmat, (ejus descriptionem vid. in Catal. Hort. Lugd. Batav. *Hermanni*. p. m. 175.) cui sententiæ quoque ipse *Rajus* favere videtur Appendice hist. plant. tom. II. c. XXVIII. p. m. 1882. asserens, eum in locis maritimis Malabaræ & Zeylan aliarumque regionum orientalium luxuriare. *Pisoni* cit. l. illius radix lenta, longa, non crassa sed gracilis, paucis fibris prædita, nigricantis exterius coloris, intus alba & lacte glutinoso plena, aliquot caules longissime repentes supra terram atque hinc inde iterum radices agentes, gignit. Illis adnascuntur folia alternatim posita, late viridia, crassa, obrotunda. Ex pediculis flores prominent superius quinqueangulares, campanulata figura, coloris dilute purpurei, mane exclusi, postmeridiem clausi. Cui *Marcgrafius*

- grafius* Histor. plant. lib. I. cap. XXIV. pag. m. 51. eleganter addidit, in flore repræsentari stellam, totumque florem superius quasi in quinque angulos definire. Delineatio *Guil. Pisonis* cit. loc. motum nobis *sin-*
- II. *storum* versus intendere videtur. (10) *Convolvulus Siculus minor flore parvo auriculato*. Huic *Rajus* lib. XV. S. I. c. IV. pag. m. 727. adscribit e radice eadem exeuntes cauliculos prælongos, tenues & humi stratos, (medio excepto, quem in principio erigi afferit) nisi sit obvium quoddam fulcrum cuius ope in altum nitantur, gyris a *dextra sinistram versus*, eleganter contortis. Folia ejus singularia, modicis intervallis, longiusculis pediculis insidentia, figura fere foliorum violæ, nisi quod acutiora & minora sint, circum oras æqualia, superne lanugine quadā vix conspicua pubescentia, inferne canescentia. Floribus gaudet singularibus ex foliorum alis uncialibus pediculis tenuibus prodeuntibus, campaniformibus, pallide cæruleis, sed omnium convolvulorum minimis. Ad basin calicis uniuscujusque floris apposita duo foliola, oblonga, angusta ceu auriculæ quædam. Flosculos excipiunt vascula subrotunda, quadruplici loculamento quatuor singula semina continentia, majuscula, angulosa, pulla seu ex ruffo nigricantia. Singula hæc in caule, a superius laudato *Exper. mo* Dn. D. *Burckhard* per amice nobis transmissio, examini subjecimus, atque veritati omnino congrua deprehendimus. (11) *Convolvulus trifolius* sive *hederaceus pur-*
- III. *pureus*, vel *cæruleus hederaceo anguloso folio*. Nasctur ille, ut vult *Joh. Bauh.* e radice parva, fibrosa, lignosis nervulis, fractu contumacissimis facta, & non ni-

hil hirsuta, *tortilibus*, tomentosis viticulis proxima quæque arripiens, in altum nititur. Folia palmum circiter lata, paulo longiora, forma hederacea in tres acutas lacinias sinuantur, lanuginosa, colore ex herbido in flavum vergente. Flores noctu sese aperientes, (unde Catal. Hort. Med. Altorph. Italice *Fior di notte, flos noctis*, dicitur) Smilacis lævis cyaneo colore abblandiuntur, extra in singulas quinque laciniarum zona excurrit albida, quo etiam colore totum floris infundibulum, tam extra, quam intra cingitur, quinis foliis herbæ concoloribus obvallatum, in quo stamina & apices lactei alte reconduntur. Semen nigrum, angulosum, Vicie magnitudine. Observante *Parkinsono* motui folis adversatur circumvolutionibus suis, i. e. à sinistra, secundum *Rajum*, Hist. plant. T. I. lib. XV. S. I. c. IV. p. 727. *scandit ad dextram*. Huic autem fere, ut ovum ovo, similis, vel plane idem est (12) *Convol- 112.* *vulus Indicus villosus Hedera folio tripartito, flore cæruleo*. Si enim descriptionem supra datam *Job. Bauh.* aliorumque Botanicorum notas, ex quibus cognoscitur, cum hac *Hermanni* Hort. Acad. Lugd. Bat. p. m. 182. 183. conferimus, fateendum est, eos vel parum, vel plane nihil a se invicem differre. Radix *J. Bauh.* parva, fibrosa, *Hermann*o exilis, modice fibrosa. Viticula huic *tortilia*, tomentosa, per proxima fulcra in altum nitentia, illi, longa, tenuia, pilosa, vicinis *stipitibus* sese implicantia. Folia *Job. Bauh.* in tres acutas lacinias sinuantur lanuginosa, colore ex herbido in flavum vergente, *Herm.* in tres lobos divisa, pilosa, superne viridia, subtus pallidiora. Flores huic Smilaci

F

lævi

- lævi cyaneo colore ablandiuntur, extra in singulos quinque laciniarum zona excurrit, illi campani formes, pallide cœrulei fugaces, pentanguli. Semen *Job. Baubino* nigrum, angulosum, *Herm.* triangulum, fuscum, hirsutum. Cognatus huic est (13) *Convolvulus Virgineus trifolius*, qui notante *Rajo* cit. loc. foliis antecedenti simillimus est, minoribus tamen segmentis seu angulis lateralibus rotundioribus, eorumque etiam altero paulo longiore & deorsum reflexo. Floribus multo minoribus & pallide cæruleis, cum marcescere incipiunt in purpureum saturatiorem mutantibus: Seminibus etiam minoribus. (14) *Convolvulus purpureus folio subrotundo*, seu *Campanula Indica*. Hic notante *Dominico Chabræo* Med. Doct. stirp. icon. & sciagraph. Class. XV. pag. m. 122. plurimum ad *Convolvulum*, hederaceo anguloso folio accedit, tortilibus, hirsutis, rubescentibus & circum perticas *convolutis* flagellis in altum nititur: Folia hederacea, acuminata ut in Nil Arabum primum pullulant, suntque ea falcata subtus, supraque pilosa, ad rubentem & hirsutum pediculo longiorem pediculum, hærentia. Flores campanulati calici insident in quinque lacinias diviso, villoso, nigricanti, plures simul juncti fere, pediculo ex foliorum sinu prodeunte. *Ad sinistram* spiris tendit, ut ejusdem icon luculenter monstrat. (15) *Batatas*, seu *Camotes Hispanorum*. Quanquam de hac ipsa dubitari possit, utrum ad *Convolvulos* nostros specialissime sic nominatos pertineat, cum autores eam modo excludant, modo iisdem adjungant, auctoritatem tamen *Raji* sequimur, utpote qui *Convolvuli* hujus clas-

classis speciem eam esse verisimillimum putat l. XV. Sect. I. cap. IV. p. m. 728. ob notas características, lætæum succum & campanulatum florem. Gaudet autem illa, radice dodrantali, grandi, librali pondere, inæquali, cui breves adnatæ, fibræ. Binæ autem ternæ vel plures ex eodem capite aliquando dependent radices, Sifari radicum instar variæ figuræ, vel sex vel quinque aut quatuor digitos longæ, Rapi instar crassæ, quædam rotundæ. Sarmen-
ta humi diffusa, satis crassa, succulenta, lævia, viridia, quibus ad unius aut duorum digitorum intervalla, pediculis, duos, tres, quatuorve digitos longis adhærent folia utcunque carnosæ Spinachiæ foliis similia, ex viridi utrinque canescentia. Neq; florem neque fructum ferre autumat *Marcgravius* lib. I. cap. IX. p. m. 16. Histor. Brasil. Hujus species est. (16) *Cacomotic Tlanoquiloni* seu 116.
Batata purgati-va, cujus radix obrotunda, candens & tenera. Folia hederacea, angulis quibusdam insignia; caules exiles, teretes & volubiles; flores malvacei, purpurei, ut *Hernandez* vult. (vid. *Rajus* loc. cit.) caliculi-
culorum forma cymbalorumve. Cui sententiæ quoque favet *Guilielmus Piso* hist. natur. & medic. l. IV. c. LXIII. p. m. 254. qui ei flores interne candidos campanulatos attribuit. Ex delineatione *Clusii* lib. iv. c. 51. p. LXXVIII. aliquo modo cum *Convolvulo* majori scandere videtur Batatas (17) *Convolvulus Brasiliensis quinque folius*, 117.
præcedenti admodum similis quantum ex *Marcgravi* descriptione, & delineatione, colligere licuit, quæ lib. I. Histor. plant. cap. 25. p. m. 54. talis est: Frutices atque arbores ascendit iisque se implicat, caulem habens rotundum, uno latere plerumque brunnum, altero

- viridem, per totum autem punctis brunnis undique variegatum & pilosum: Intervallo autem semipedis fere in caule ad latus extenditur semper ramus satis crassus, semipedem circiter longus, itidem hirsutus, qui subrotunda & quasi turbinata corpuscula, suis pediculis initentia & hirsuta sustinet, quæ sese aperientia florem exhibent candidum, uno folio constantem instar campanulæ; In eodem autem puncto e quo prodit pediculus qui florem sustinet, etiam pediculus ejusdem crassitie ac quatuor circiter digitos longus, enascitur, quinq; folia in orbem disposita sustinens, ut in Pentaphyllo, ad tactum mollia, superius viridia, inferius subalbican-
118. tia, ac ubiq; pilis albicantibus prædita. (18) *Convulvulus foliis laciniatis* vel *quinque folius* seu *Ægyptius quinq; folius*. *C. Bauh.* Prodr. Theatr. Bot. qui ejus ramulum tantum vidit, est viticulis tenuibus, geniculatis lævibus: Ex quolibet geniculo folium longo tenuissimo pedicello donatum prodit, quod in quinque lacinias angustas longiusculas dividitur, & quandoque inferior una alterave bipartitur, cuilibet laciniae tenui mollique aculeo insidente. Supra folii exortum pedicellus æque tenuis, duas tresve uncias longus & nudus exurgens, florem purpureo-cœruleum, aliorum convolvulorum forma sustinet. Semen quoque *C. Bauh.* teste *Chabr.* stirp. icon. & Sciagr. Class. XV. p. m. 122. non con-
119. spectum. Cum vero referente *Rajo* histor. plant. tom. I. lib. XV. sect. I. cap. IV. p. m. 729. a *Prospero Alpino* describatur noster *Convulvuli Arabici* titulo, id propterea laudatus modo *Rajus* cit. loc. pag. sequ. hunc ipsum procul dubio *eundem* esse putat cum *Con-*
vol-

volvulo Aegyptiaco Vestlingii, cujus ex *Vestlingianis* in *Prosp. Alpin.* de plant. Agypt. notis talem nobis exhibet ideam. Fruticat à radice lignosa, longa, fibra taque, cortice pallido, nodulis innumeris scabro, quorum opera facili reptatu, *adminicula* omnia *transcendens*, quocunque trahes retr. hesque sequetur. A caudice virgulæ exeunt numerosæ & lentæ, prompto flexu ductoris arbitrium admissuræ. Folia longule productis petiolis insidentia, lætoque virore grata, septenis laciniiis profunde discriminantur, quarum inferiores additamenta quoque sua nactæ sunt. Flos vulgatis convolvulis amplior, collectus primum contr. ctusque, donec resupinis oris amœnam cœruleamque purpuram explicat: Sinum obscurior inumbrat color, in quo brevis exsurgens columella lepidum caput innumeris staminulis & appendicibus onerat. Flos discussis umbris à sole expergesfactus se dilatat, eodem in meridie inclementius radiante, collectis oris connivet. Emerito flore capsulæ sese proferunt, Lini capitula æmulantes, in quibus terna vel quaterna semina, Orobi magnitudinem haud superantia, fusca leviterque lanuginosa, reconduntur. Ab hoc ipso autem, secundum celeberrimi Botanici D. *Pauli Hermannii* Hort. Acad. Lugd. Batav. p. m. 184. sententiam non multum differt (19) *Convolvulus Americanus Villosus pentaphyllus* 120. & *heptaphyllus major*, ex America transmissus, qui observante eodem, a radice non adeo magna, albente, fibrosa, emittit sarmenta hirsuta, herbacea, infirma, in ramulos quam plures divaricata, sex aut plurium ulnarum longitudine, vicinis quibusvis *adminiculis* multi-

- fario *amplexu* sese *involventia*, *gyris* ad *sinistram* *vergentibus*, si obscure hac in re depictæ iconis flexuris fides adhibenda. Folia palmam ampla, hirsuta, digitata, quinque vel septem profundis laciniiis inscripta, altera parte viridia, altera subincana, longis pilosis petiolis adhærent. Ad horum exortum prodeunt capitula hirsuta, in quibus sunt flores pallide flavescentes, & post florum exanthesin semina triangula, fusca, & hirsuta. Lacte quoque dilutiore turget, subacri ingrato. Ne-
121. que ab hoc degenerare filium ejus (20) *Convolvulum Zeylanicum* minorem *Hermanni*, pedem alias *Tigrinum* vel *Divipaburu* Zeylanensibus, aut *Convolvulum heptaphyllum Indicum villosum*, *Breynii* prodrom. fascic. rarior. plant. 33. testis est idem sæpius cit. D. *Hermannus*, qui eundem olim ex Zeylanica insula horto Beverningiano inferendum transmiserat, asserens sæpius allegat. Hort. Lugd. Batav. p. m. 184. eum præcedenti simillimum, ast minorem & hirsutiusculum esse. Foliorum quoque incisuras latiores & obtusiores, pedem *Tigridis* exprimentes. Flores candidos quinos aut septenos prodire alternatim ex capitulis hirsutis. Seminum medullam in aquam tepidam projectam, per amœno spectaculo resolvi in tenuissima candida folia, plantæ foliis exacte respondentia. Tandem convolvulis nostris colophonem im-
122. ponet eorumque generalem claudet historiam (21) *Convolvulus Bona nox* dictus, flore candido, *grandi* seu *Buenas noches* Hispanis. Hic, quanquam *Smilacis asperæ*, quam antea ex numero convolvulorum nostrorum ejecimus, nepos esse videatur, *Clusio*, *Chabreo*, aliis-

aliisque, unde à *C. Bauh.* *Smilax aspera Indiae orientalis* appellatur; distinguitur tamen ab ea genere, dum genuinos veræ convolvuli speciei characteres monstrat, si *Chusii* descriptioni, quam *Rajus* adducit Tom. II^{do} Histor. plant. Append. cap. XXVIII. fides habenda. Referente autem *Dominico Chabræo* stirpium icon. & sciagraph. Classe XV. p. m. 122. & *Chusio* Exotic. lib. II^{do} cap. XVIII. p. 44. n. 3. primo suo ortu bina profert folia *Campanulae Indicae* seu *Convolvulo purpureo folio subrotundo*, (cujus descript. vid. n. 14.) nascenti primum similia, sed majuscula & crassiora. Multi porro ab unica hujus plantæ radice caules prodeunt, qui pedamenta adfixa vel vicinas plantas *multiplici ambiunt spira*, *Smilacis asperæ* instar, cui etiam similia habet folia, sed majora & molliora: In caulibus etiam aliquot hamatas continet spinulas quales & *Smilax aspera*, sed rariores ac minus horridas. Hæ ipsæ præsertim circa articulos generata *Chusio* nihil aliud, quam radicum rudimenta, uti etiam in aliis plantis contingit, sunt. In quo consentientem habet *Rajum* loc. cit. inquietem, in nulla *Convolvuli* specie sarmenta spinulis obsita hætenus sibi videre contigisse. Flores autem pandit candidos & grandes, mediocri disco pares, qui matutino tempore dehiscences, noctu illico flaccescunt, unde nomen accepisse videtur. Solus hic dubios^{123.} nos relinquit ad quam divisionis nostræ classem spiris suis sit referendus. Huic adjungere possemus *Convolvulum heptaphyllum Indicum pilosum Breynii* ex *Raj.* Tom. I. Histor. plant. lib. XV. sect. I. cap. IV. p. m. 729. n. 15. *Totoyxcitl.* ex eodem loc. cit. n. 26. & *Convolvulum folio*

folio sagittariae, quem exsiccatum vidit idem *Rajus*
 Tom. II^{do} Histor. plant. Append. cap. XXVIII. p. m.
 1882. quorum descriptionem citati loci B.L. exhibebunt.

Haecenus in parte dissertationis nostrae priori & *hi-*
storica non tantum sectionem *generalem* per *definitionem*
 & *divisionem primariam* absolvimus, sed & ad sect. alteram
specialem nempe, progressum fecimus, & in hac
 ipsa *phaenomena* & *observationes* convolvulorum spectato-
 rum *in integro* lustravimus, seu quomodo integræ eor-
 um facies in duplici *dextrorsum* & *sinistrorsum* gyros suos
 torquentium classe spectantibus sese exhibeant, tum ex
 observationibus propriis ex autoritatibus solertissimo-
 rum Botanicorum, quæ fieri potuit fide, memoravimus.
 124. Dum vero ad *causas* variorum horum, aspectuque jucun-
 dorum, gyrorum determinandas nos accingimus, atque
 illas ipsas pro ingenii ratione scrutari conamur, ante o-
 mnia illud nobis erit agendum, quod sagacissimis artis
 machaoniae praesidibus in consueto esse videmus. Hi
 enim admirandarum corporis humani organicarum ac-
 tionum rationes & causas inquisituri, spectata prius
 tota exteriori machinae corporatura, monstrataque tri-
 um cavitatum insignium, quas ventres appellare so-
 lent, cum artubus compage artificiosissima, deinde re-
 motis integumentis internam quoque structuram ejus-
 dem scrutantur, singula humorum vitalium colatoria
 ac diversoria, uti concinno nomine Illustris *Wedelius*
 viscera appellat, cultro anatomico subjicientes, quo
 facto, optatam attingunt metam, & quid hæc, quid
 illa pars agat, quæque pro conservando toto munia confe-

conferat, diserte exponunt. Non dispari igitur ratione in adducendis assensus hujus spiralis principiis ac causis tunc demum felici pede progredi poterimus, quando observationes, quas Convolvuli in *partibus* spectati nobis exhibent in sectione II^{da} hac nunc porro erunt adductæ, quoniam partium hæc pulcherrima structura fundamentum nobis quasi largitur, super quo totius partis secundæ & *Ætiologicæ* ædificium apparebit extructum. Cumque phænomena in partibus hisce occurrentia alia in ipso statim *semine* lateant, alia vero *extra semen* conspiciantur, id circo integumenta varia nobis erunt quasi removenda, primum nempe terrenæ, quæ fotu & incubatu suo seminibus seu ovis communem præbet uterum, molis, reliqua autem vel ipsum statim semen extus ambientia vel emisso jam tum caule, eundem cingentia. Monendum autem in limine statim hujus recensitionis est, quamvis convolvuli nostri, iisdem quibus reliquæ plantæ essentialibus instructæ sint partibus, suisque constant radicibus, ramis, foliis, floribus, fructibus item ac seminibus, interne vero suis fibris, utriculis, tracheis, aliisque vasis, ac eadem quoque lege a benigna natura e matris gremio prodeant in lucem, partes tamen ex recensitis quasdam, quæ præ ceteris ad spiralem eorum ascensum symbola sua debent conferre, peculiari a reliquis modo constructas esse atque coordinatas. Illarum quædam in ipso statim *semine*, 125. quædam vero *extra illud* veniunt annotandæ. Hæc in convolvulis, ut paucis etiam hæc tangamus, quæ ipsis cum aliis sunt communia, suis constant (1) re-

- ceptaculis seu *in-volucris*, & (2) quod iisdem includitur *seminis corpore*. Involucra in convolvulis nostris propria (missis illis communibus, v. g. in Phaseolis, laborum, convolvulis specialissime sic dictis capsularum nomine venientibus) ad minimum, uti in aliis bina deprehenduntur quibus sagacissimum illud naturæ scrutatorum par, *Malpighius* & *Grewius secundinarum* nomen generatim imposuerunt, desumptis terminis hisce, ut & aliis, videlicet uteri, tubarum, vasorum umbilicalium &c. propter analogiam non incongruam, ex tabulis animalium generationis, cum in plantis propemodum idem sint, quod in animalibus membranæ fœtum includentes, uti scite loquitur *Grewius* lib. Gall. Anatomie des plantes cap. 7. p. m. 213. Et *Malpighius* eandem servans analogiam anteriorem *amniū*, posteriorem vero *chorium* appellat part.
128. 1. Anat. plant. p. m. 57. seqq. & p. 80. In tunicarum harum exaratis utriculis, idem inquit c. l. probabile esse concretum succum & quasi fixatum subsidere saltem, completa nimirum plantulæ seminalis, de qua mox dicitur, generatione, unde a natura siphonum ordines in quam plurimis secundinis (sic ab ipsis appellatis) locatos videri, quorum ope externus humor subintrans solvat ac subigat relictum in utriculis succum, & extracta tinctura, denuo quasi instituta generatione, plantulam fubeat, ad excitandam scilicet vegetationem, de cuius processu dein, absolutis ad *præformationem* spectantibus, quantum ad nos pertinet, dicemus.
129. Seminis porro corpus binis constat substantiis, altera majori, *massa farinacea* in duos lobos, postmodum in

in *folia dicta seminalia* abeuntes, divisa, a *Malpighio* & *Rajo*, *carnis*, *pulpæ*, *farinæ*, *medullæ*; a *Grewio* vero cit. lib. *parenchymatis* nomine insignita: altera vero intus & in ejus extremitate hospitante minori, *plantula* 130.
seminali, in omnibus feminum generibus constante *radicula* & *gemma*, & in plerisque accedente tertio, *binis foliolis* eleganter complicatis, gemmamque custodientibus. *Radicula* sub specie *caulis* vel *trunci* appa- 131.
rens, corpore insigni conico gaudens, maxima est ejus pars. In hujus ac tenerrimi plantulæ cauliculi, in gemmula deinceps elongandi, confiniis, sita plerumque sunt *бина foliola seminalia*, ligneis suis fistulis, 132.
tracheis, & utriculis constantia, a provida natura huc locata; ut a radícula ad gemmulam tendens alimentum in eisdem ulterius perficiatur, perfectum deinde plantulæ reaffundatur, reaffusum tandem ad gemmulam pergat, eamque cum cauliculo adaugeat. Hinc *Malpigh.* egregie observavit part. I. anat. plant. p. m. 81. plantulas vegetabilium hisce destitutas, uti in *Alliis* deprehenditur, multiplicibus utriculorum ordinibus in plantulam inclinatis auctivum succum prius in illis antequam effluat, maceratum præbentibus, gaudere. Porro circa horum foliolorum exortus connexum est seminalis plantulæ corpusculum cum ipsis feminum *foliis* inde *seminalibus* appellatis, ut in hisce contenta carina, seu parenchyma per *siphones* ibi locatos foliolis plantulæ seminalis, & per hæc, modo jam exposito, toti plantulæ alimentum possit præbere, atque inde quasi per *umbilicum*, uti apposite *Malpigh.* loquitur, tenellum, ejus corpus augere. *Gemma* tandem 133.

- tertia hujus plantulæ pars est, a *Grewio* cit. tract. cap. 1. p. 9. *la plume, pluma*, dicta. Composita hæc est ex multo foliorum minutissimorum, petiolis suis instructorum & affabre complicatorum, apparatu, dein sensim elongato plantæ cauliculo sese magis magisque explicante & in conspectum prodeunte. Hæ autem partes, præcipue in idoneæ magnitudinis seminibus, tam exacte efformatæ existunt, ut in hisce, testantibus *Malpighio*, *Grewio* & *Rajo* nudis etiam oculis a se invicem discerni possint.
134. Cum itaque, exclusis omnibus stolidum illum fortuitum atomorum, seu materiæ particularum concursum pro fundamento habentibus, atque Epicureismum haud obscure redolentibus principiis, recentiores potissimum naturæ scrutatores in eo ad unum quasi omnes, ac pie admodum consentiant, in hisce plantarum quoque generationibus per intervenientium plurimarum causarum naturalium quæcunque tandem illæ sint, seriem ultimo ad aliam quandam supra naturalem supra omnes sapientem esse ascendendum, omnino ipsi primum hujus scalæ gradum in *plantula* hac *seminali* locandum, existimavere. Hanc proinde, insigni & nunquam satis laudando *microscopiorum* invento antiquioribus oculatiores redditi præ-existentm totius plantæ, cujus semen est, rudimentum & delineationem suppeditare, prorsus judicant, quam ipsam cum varie appellitent, nos commode præ-
135. formationem dici posse existimamus. Est autem hæc iis adferentibus, *delineatio*, quamvis subtilissima; perfecta tamen omnium partium ac flaminum futuri viventis vegetabilis in semine tanquam ovo. Præformationem vegetabi-

tabilium dicimus prima illa, quæ adesse volunt, organica
 stamina, quam illi philosophi diversimodè exprimunt, 136.
 modo enim *gemmæ conformationem*, modo *punctulorum*
seminarium lineamenta ac *fibrillas*; nunc *corpuscula semi-*
nalium, nunc *conceptus primi formationem*, vel *ideas in*
seminibus sepultas &c. nominant. Nostrum autem vo-
 cabulum, quamvis apud autores quos nobis videre
 contigit, non occurrat, rem tamen concinne nobis
 exprimere videtur, cum præformatio, quasi *præ exi-*
stentem formationem dicat. *Generis loco stat delineationis* 137.
 vocabulum, desumpto vel ex Architectorum scholis,
 vel ex iisdem ministrantibus artibus, pictoria vel statu-
 aria, termino; ob similem processum, quem a natura
 in arduo generationis opere institutum dicunt. Quem-
 admodum itaque Architectus civilis, vel militaris, fu- 138.
 turi ædificii, vel fortalitii partes in charta, ductis va-
 riis lineis, indicatisque simul ex Optices ac speciatim
 Perspectivæ præscripto lucis ac umbræ projectionibus,
 ita repræsentat, ut tam frontis, quam laterum abscen-
 ditium facies in tali delineatione (scenographica
 appellata) ob oculos quasi posita appareat; vel,
 quemadmodum Pictor singulas. v.g. vultus humani 139.
 partes in charta vel tela, per sublimionem prius
 aptata, graphio, vel penicillo exprimit, inductisque co-
 loribus ita effingit, ut oculo spectatoris, credenti se non
 imaginem vultus, sed ipsum vultum intueri, imponat;
 aut, quod tandem ad præsens negotium ceterorum
 magis commodum est, quemadmodum Statuarius, 140.
 Sculptor vel Ceroplastes statuam ope cæli, scalpri, reli-
 quorumque instrumentorum ex ligno, lapide, cera,
 vel alia quadam commoda materia efformandam quo-

ad singula ejus membra ante delineat, atque hujus beneficio videt, quænam inutilia, reliquisque effingendis impedimento futura, removenda sint, quam operi ipsi manum admoveat; ita naturam (quo termino in institutionibus physicis passim obvio in præfenti cum ipsis utimur, lubenter interim concedentes, vel potius cum celeberrimis viris graviter dolentes maximam hujus vocis ambiguitatem, atque optantes, ut aliud minus obscurum vocabulum a doctoribus physicis fuisset substitutum, atque in scholas eorum introductum) in plantarum quoque seminibus foetus futuri stamina & lineamenta organica delineare quasi, vel potius delineata offerre, & oculo etiam nudo primordia ejus in radícula, foliis seminalibus & gemma ostendere, antequam in terræ sinum, tanquam uterum communem, demittantur semina, atque vegetatio illorum sua capiat primordia. Notanter vero diximus *vel potius delineata offerre*, cum in quacunque præformatione ex horum modernorum physicorum hypothefibus & placitis non *actionem* ipsam, sed *actum*, non *præformationem* sed *præformatum* sese offerre judicent, adeo, ut cum credimus ea formari vel generari, illa jam tum formata vel generata apparere, atque solum recipere augmentum, reddens ipsa functionum vitalium capacia, uti inferius pluribus id ostendetur, ipsis autorum verbis hanc in rem allegandis. Servandam itaque duximus, occurrente apud autores sæpius *formationis*, *conformationis*, *delineationis* vocabulis, ipsam *præformationis* vocem, & uti volunt, *actum* pro *actione* capiendum est,

est, deficientibus hanc in rem autorum expressionibus magis convenientibus, quales in aliis disciplinis sæpe commodæ & usu venire solent, quando v. c. inter voces *unionis* & *unionis*, illa *actionem* conjunctionis vel commixtionis, hæc vero *statum* rerum conjunctarum & unitarum denotat. Dicitur porro delineatio *quamvis subtilissima perfecta* tamen omnium partium ac flaminum futuri viventis vegetabilis, in semine tanquam ovo. Verba hæc *differentiam* quasi *specificam* exhibent, ex iis 142. partibus, quæ talem ab aliis artificialibus delineationibus æque ac naturæ lusibus sejungunt, concinnatam. *Subtilissimam* nominamus hanc delineationem, quoniam in exili tali puncto, præsertim in minoribus illis seminibus minimam iterum eorum partem vix constituyente, visumque adeo nudum, etiamsi lynceus sit, fugiente, universi animalis vegetabilis compendium, omnesque totius plantæ partes ac rudimenta incomprehensibili subtilitate & modo, quodam maxime mirabili, stupendæque eruditionis physicis imperscrutabili, concinne compacta contineri, statuunt. Quamvis vero partes illæ artissimis & incomprehensibilis veluti exilitatis terminis concludantur, nihilominus tamen non *ruditer*, & quoad prima saltem lineamenta, sed *perfecte* ac decenter effectas easdem credunt. De foetu vero vegetabili in specie nobis hoc loco, uti superius dictum, sermo est, cujus in gratiam, hæc de præformatione volumus memorata, quæ tamen paucis saltem mutatis ad reliqua quoque viventia poterunt extendi & applicari. Denique *domicilium* & *pinacothecam* illam 143.
quo-

- quoque nominamus, in qua egregia hæcce naturalia custodiri, & ad illud tempus asservari existimant, quo dein terreni uteri incubatu, & calore ac fotu proportionato accedente, miranda hæcce magis magisque explicantur, expanduntur & in conspectum omnium prodire incipiunt, quod hospitium *semen* est, quodque, cum in rebus naturalibus, uti *Anton. le Grand* part. VII. artic. IX. loquitur, veluti quidam circulus sit, diverso intuitu principium antecedens, dicitur, & fructus consequens. Hoc itaque seminis corpus
144. *ovum* quasi refert, secundum vetus illud *Empedoclis* dogma, resuscitatum a *Josepbo de Aromatariis* seculi præteriti quadra prima, diductum vero egregie, quadra ejusdem ultima, studio sagacissimorum naturæ scrutatorum *Harvei*, *Malpighii*, *Grewii*, *Perraultii*, *Raji*, *Sturmii*, aliorumque, adeo, ut hodie, ex mente illorum, omnis generatio fiat ex ovo, appellato sic domicilio illo, quibus futurus includitur foetus, traductoque, ex oviparorum generatione, termino non saltem ad viviparorum illam, sed ad ipsarum plantarum quoque productionem.
145. An vero talis, qualem ex mente recentiorum naturæ Consultorum descripsimus, præformatio detur, nunc porro venit disquirendum, & quidem paulo curatius,
146. non una de causa. *Primo* enim, hac negata, vel, quam inferius affirmabimus & demonstrabimus, dispositione minimum interna in dubium vocata, primum & tale e manibus nostris elabetur subsidium, quod solis convolvulis nostris proprium est, & ad determinandam ascensus eorum spiralis causam admodum faci-

faciet, reliquis huic accedentibus adjumentis verb gr. infirmitate caulis, ejus concavitate &c. in aliis plantarum generibus quoque reperiundis. *Deinde* non ultimum quoque dubiæ præformationis existentiae momentum est, quod ejus assertum apud antiquos philosophos omni destituatur prorsus autoritate, altumque sit apud eosdem de hac ipsa silentium. Quemadmodum enim in eo cum recentioribus consentiunt, quod materia futuræ plantæ in ipso jam semine contineatur, sic materiam hanc secundum omnes partes ejus, ex mente modernorum, *perfecte*, vel, quoad *præcipuas* ejus partes *radiculam, gemmam* &c. efformatam in semine jam tum præsto esse, antiquis illis philosophis, visu iisdem temporibus non nisi inermi, uti superius dictum, gaudentibus non constetisse, ex vero affirmamus.

Quare cum in seminalibus illis corpusculis & *principio passivo* tantum horum organorum apparatus haud quævisissent aut conjecturassent unquam, in investigatione *actuosi* illius *principii*, sive *efficientis* corporum illorum organicorum multam occupavere operam, atque in illo solo filum illud Ariadnæum, cujus ope ex hoc generationum labyrintho exeundum ipsis esset, sollicitè quærendum ac inveniendum judicavere. In testimonium veritatis igitur producemus tres philosophorum famigeratissimorum classes, *Aristotelicorum* nempe, *Cartesianorum* & *Chimicorum*. *Aristotelicæ* scholæ, Græcæ æque ac Latinae, sectatores (ut illos taceamus qui ante Philosophi tempora præformationis nescii fuere) licet in diversas abeant partes, omnes tamen a præformationis auctoribus dissentiunt. Qui

H

enim

150. enim *eductionem* formarum e potentia seu virtute materiæ cum ipso Præceptore statuunt, materiam certe haud dispositam & formatam volunt, sed ei saltem capacitatem, ut formam excipiat, tribuunt, quæ capacitas seu potentia materiæ non est alia, quam ut subiecti vices obeat, & formas ut fundamentum sustentet, uti *Hamelius* loquitur lib. II. cap. II. de consensu V. &
151. N. Philosoph. Qui porro *inductionem* formarum credunt, ab extra, v. g. e cœlo, formas petunt, quæ tamen ex recentiorum mente seminibus jamtum insunt.
152. Qui vero tandem *traductionem* formarum cum materia asserunt, quamvis cum autoribus præformationem agnoscentibus idem velle videantur, eodem tamen modo sententiam hanc haud exponunt, cum formæ seu animæ hac ratione propagatæ *vim* adjudicent *plasticam*, atque eandem singulas deinde partes, instar plastæ cujusdam effingere credant, cum tamen, quod præformationis autores illis objiciunt, nec quænam illa, nomine hoc insignita, vis sit exponant, nec quonam modo hæc mirifica illa præstet, ostendant & declarent. Inclytum illud porro in scholis philosophicis nomen *Renatus Cartesius* (cui per anagramma purum *Tu scis res naturæ* accommodum elogium paratum voluit *Stephanus Chauvinus*) tametsi in animalium generatione, prout tractatus de formatione foetus part. IV. §. XXVII. satis superque ostendit, omnem hanc formationem partium confusis illis duobus maris ac foeminæ feminalibus liquoribus, sibi mutuo fermenti loco existentibus, adscribat, atque exinde intenta mentis acie multoque labore deducat, plantarum tamen ge-

generationem ab hac plane diversam esse , autumat. Cumque semen harum, durum utpote & solidum, posse habere partes suas certo quodam modo dispositas & sitas, qui mutari nequeat, quin reddatur inutile, expresse scribat, præformationem his ipsis quasi innuere virum hunc, concludere quodammodo liceret. Nihilo tamen 154. minus, si discipulum ejus *Anton. le Grand* part. VII. instit. phil. cap. IX. p. m. 538. sequi audias, quanquam *primi stirpis rudimenti*, ut & *germinis* mentionem faciat, atque hujus quoque partes *radicem*, *folia* & *gemma* nominet, *præformationem* tamen, uti a superius nominatis autoribus intelligitur, asserere cum ipsis haud videtur , sed potius, more *Cartesio* in generat. anim. indicato , partes germinis singulas subinde atque hac ratione formari credit, ut humore debito moderatoque calore accedentibus, germinis particulæ aliæ deorsum transmitti, aliquam duritiem contrahere, & hoc pacto plantæ *radix* efformari incipiat, digesta vero in radicem materia, accedentibus de novo causis modo nominatis , tenera viridisque substantia, *gemma* & *folium* vocata, attollatur & emergat, eademque ratione per *culmum* efformatum reliquæ partes prodeant, *flos* elaboretur *fructusq;* tandem succedat. CL^{mus} vero *Sperlettus* phys. nov. 155. part. IV. disput. III. s. 1. p. m. 328. quamvis eundem quoque modum innuere videatur, atque vel ex solo partium succi terrestris motu earumque diversitate satis intelligi posse existimet , quomodo aliæ in radices , aliæ in truncum, aliæ in ramos abeant , ingenue tamen fateatur, plantas has alio quoque modo ex semine posse generari , semine nihil aliud quam ramusculo quo-

- dam pulpa involuto existente, quo ipso præformationem dictam CL^{um} virum respicere, nulli dubitamus.
156. Tandem adducenda quoque est illorum sententia, quæ ex *Chimicis* scholis originem ducit, & uti omnium rerum, sic & plantarum generationem ex duobus hisce principiis *acido* & *alkali* operose quoque deducere conatur. Inter hos post *Raymundum Lullium* nominandi veniunt *Tachenius*, *van der Becke*, *Sacchus*, *Dedu* & alii, per
157. *acidum*, ignem intelligentes elementarem seu *cœlestem* illum *spiritum*, cujus principium in sole ponunt, secundum suarum particularum magnitudinem, numerum, figuram, situm, motum & quietem ita modificatum, ut rationem principii seminalis induat, quoque ipso materia cui applicatur, ad eum statum configurationemque deducatur, quam exigit individuum in tali specie. Quo in consentientem putant habere *Aristotelem* III. de gen. anim. c. III. p. m. 1251. spiritum illum in semine spumosoque corpore contentum, fœcundationisque, cum in illo anima virtusque plastica proxime insit, feminum autorem, calorem ab *Aristotele* nominatum, cœlestisque naturæ creditum vocantes *acidum* illud, atque in eo solo consistere, quicquid Medici calido innato, *Galenus* temperiei, *Helmontius* archeo & reliqu.
158. adscribant. Per *alkali* (ita enim Arabes illud primum ab herba Kali hoc abundante sale, appellavere) intelligunt materiam, sequentem virtutem acidi, ab eo motus configurationisque legem suscipientem, ita, ut manu quasi ducta, omni se accommodare possit figuræ.
159. Miramur autem in eo laudatum superius Doctorem Montpellensem *Dedu*, qui in libello de l'ame des

des plantes post expositam cap. 1. *acidi* (cujus originem non equidem soli adscribit, sed creatum illud cum materiæ residuo dicit sub originem mundi) & *alkali* naturam, cap. 2. systema hoc præformationis magis ingeniosum quam solidum p. m. 261. vocat, acuteque perstringit processum vegetationis plantarum ab autoribus præformationum exhibitum; nihilo tamen secus sibi minus constans, cap. 3. p. m. 269. laudat hanc sententiam; dicens, oculis nostris patere, semen esse plantam minutissimam, vel in compendio talem, confirmatoque hoc ipso exemplo germinis tulipæ subjungit: Enfin toutes les parties de la tulipe sont dans son germe artistement pliées & étroitement unies, & nous devons raisonnablement croire la même chose d'un grain d'orge, d'un pepin de pomme, & généralement de toutes sortes d'arbres & de plantes; leurs parties sont en raccourci dans la semence, dans la production elles s'élargissent & se développent, elles s'étendent & se déploient. Causam vero ob quam radix in hac explicatione plantæ sit infimo, truncus autem & caudex supremo sint loco (quam *Cartesiani* in puriores ac impuriores fermentantis materiæ germinis particulas conjiciunt) secretum esse providentiæ divinæ contendit, temeritatemque vocat assequi velle materiam, limites ingenii nostri excedentem. Tacemus *Spiritum Willisii*, proprii domicilii ad instar limacis *architectum*, huc quoque referendum. Ab hisce autoribus nunc porro progressum facimus 160. ad illos qui præformationem non modo in animalium ovis, sed & plantarum feminibus agnoscunt & statu-

- unt. Utut. vero antiquissimis temporibus ipsum *Empedoclem* genus arboreum oviparum nuncupasse scribat *Har-veus* de generat. anim. exerc. i. adeoque *semina* arborum & plantarum *ova* esse, antiquissimum dogma sit, præformationis tamen domicilia eadem credidisse *Empedoclem*, ad quod jam superius in genere respeximus, nulla apud autores fit mentio. Omnibus igitur recentioribus viam ad hæc placita præmonstrasse quasi videtur quinto superioris seculi lustrò
161. *Josephus de Aromatariis*, medicus quondam Venetorum Clarissimus, qui, referente B. *Posnero*, tabb. Geneanthropol. XVIII, plantarum vulgo vocata *semina* foecunda *plantam jam genitam ac conformatam* obtinere, prorsus voluit, uti pullum in ovo esse delineatum, antequam a gallina foveatur. Postea veterum sententiam arguendo addit: revera enim vani sunt, qui adserunt, non adhuc existente organizatione vere adesse formam actu, quæ sibi ipsi domicilium paret: non aliter ac si forma plantarum ut & bestiarum esset quid vere separatum existentia, utens materia, tanquam lignis ad navem fabricandam: essetque forma existens realiter, rei tamen realiter non formatæ, magis quam nauta non navigii nauta, petitionibus inextricabilibus, excitatis ad humanum ingenium labe-
factandum, & e recta philosophandi via deturbandum. Idem etiam, referente *Har-veo* de generat. anim. exerc. X. ipsi inter utramque Faseoli laminam minutum *folium*
162. *efformatum*, ostenderat. Post hunc vero magis hanc sententiam dedere expolitam recentiores ordine nunc recensendi, quorum nominandi sunt ex industria Anglo-

glorum natione *Grewius* & *Rajus*. Primus ex hisce magno certe studio in hac præformatione demonstranda versatus est in libello egregio, anatomia plantarum, vocato & in linguam gallicam quoque translatum, qui cap. II. de semine p. m. 7. plantulæ ab aliis seminalis nominatæ radiculam *embryonem* & *primordia radiceis* vocat, ut & pag. 8. supremam hujus plantulæ partem *la plume*, plumam, cum sit instar fasciculi plumarum, appellans p. 9. quod partes hanc componentes sint vera *folia* inquit, *bene, jamtum formata*, & quæ tamdiu maneant complicata in *pluma*, donec sese possint explicare, & in conspectum prodire. Taceo plura ex eodem cap. 1. huc facientia. *Rajus* quoque 163. sæpissime allegatus hist. plant. p. I. lib. I. c. XV. scribit se in omnibus unquam dissectis idoneæ magnitudinis seminibus *plantulam seminalem* semper invenisse, in nonnullis *perfecte efformatam* ut partes ejus omnes nudis etiam oculis possint discerni, & digitis ab invicem diduci, in aliis *minus perfectam*, & talem in qua partes ejus non ita facile ab ipso potuissent discerni Plura vid. c. cap. Stupendo ulterius labore indefessaque industria argumentum hoc pertrahat sagacissimus *Malpighius* Italus, in Anat. plant. adjectis quam plurimis 164. ab ipso auctore pulchre delineatis schematistis. Hic itaque non tantum in præmissa anat. plant. idea p. m. 9. semen appellat foetum, *veram* scilicet *plantam*, *suis integre conformatam partibus*, foliis videlicet ut plurimum binis, caudice seu caule & gemma, sed & in hujus parte 1. cap. de secundinis & contento plant. foetu,

- foetu , p.m.80. de plantula feminali agens : In hac , inquit , *plantæ vera species compendio elucescit* , & veri emancipati filii status innuitur. Et pag.82. Ova hæc (loquitur de feminibus) a viviparorum ovis non longe distare videntur , cum in utrisque carina & *viventis compages compendio præexistat*. Magis vero id ipsum ad oculum quasi monstrare , & quomodo partes in ovo hoc præexistentes successive sese explicent , ostendere satagit CL^{mus} autor part. Anat. plant. II^{da} de feminum vegetatione , ad quam B.L. volumus amandatum. Belgicas porro terras lustrantes ibi præformationi
165. maxime additum invenimus *Schwammerdamium* in tract. miraculum naturæ , sive de uteri muliebris fabrica , inscripto cap.i. intuitu hujus ita scribentem : Nullus mihi in rerum natura *generationi* sed soli *propagationi* vel *incremento partium* locus esse videtur. Et porro de præformatione corporis humani in ovulis foeminarum jam tum præsentem scribens : Quicquid est hominum , ait , in lumbis Adami ac Evæ occlusum fuit. *Schwammerdamio* jungimus curiosum Delpho-
196. rum micrographum *Leeuwenhoeckium* , qui in tract. Anatomia seu interiora rerum nominato , epist. de orig. plant. & radice in feminibus p.m. 58. dicit , se in semine Fraxini non tantum *duo magna folia* observasse , verum etiam illam partem , ex qua *radix* initium sive originem caperet suam , supra modum magnam apparuisse. Et pag. sequ. folia hæc ex immenso numero admodum tenuium rotunde elevatorum globulorum constetisse ait , & non modo fibras adfuisse , originem ex caudice & radice trahentes , sed & in hac , præter illas opti-

optimo jure pro *medulla ligni* habendas, plurima alia *vasa ascendentia* ab ipso observata. P. 65. in his seminibus non tantum *perfecta folia* cum suis *vasibus*, sed & *lignum* ipsum, ac *radicis* futuræ originem, imo multo nudiora ac majora quam in Juglande aut Corylo conspecta fuisse. P. 77. eadem in semine Salicis demonstrans ait, partem, unde radix originem trahet suam, multis *vasibus*, ex oblongis ac rotundis maxime particulis consistentibus, fuisse instructam. *Foliorum* quoque in se cumulatorum, crassorum, sub obscuri herbacei coloris, iisdemque adjacentis *alimenti*, mentionem facit. Epistola sequi, a pag. 82. observationes in semine Gossipii factas subjungens, in eodem quatuor *distincta folia* per quam accurate dupliciter complicata, suis *fibris* instructa, ac *luridis* & *rotundis globulis* distincta ac *maculata*, memorat, prorsus uti folia arboris Gossipium in India orientali proferentis. Unde phænomenis hisce lætatus subjicit: hinc miracula videmus in natura, nempe istam arborem non tantum *tam perfectam in semine suo* conficere *plantam*; sed præterea *folia* in semine tali modo *punctata* ac *maculata* esse, quasi folia in arbore pendebant. Pag. 86. radiculam hujus per transversum dissectam egregie depictam exhibet. Tacemus plures seduli Viri observationes in seminibus Palmæ arboris, Uuarum crispæ, & ursinarum nigrarum, Spinæ acutæ, ut & Tiliæ institutas, eademque epistola solerter recensitas, quas respiciens in tractatu, arcana naturæ, inscripto ac Delphis Batav. ante biennium edito p.m. 179. concludit. Ex hisce observationibus jam magis ac antea certi esse possumus,

calorem & aquam tantummodo plantis incrementum dare. Ac ita D. O. M. sapientissimum hujus universi opificem *nullas novas producere creaturas*, sed eum ab initio omnia ita ordinasse ac fecisse, ut omnia rite facta, ac adulta plantarum semina, licet oculis nostris occultum sit mansurum, sibi jam ingenitam habeant, vel in se contineant *eam materiam quæ principium, est ejus corporis, quod suo tempore ex iis est nasciturum ac per omnia convenit cum corpore, unde originem suam trahit.* Tandem hæc ad peculiarem suam, de semine masculino, hypothesin applicat: Quod uti in plantis fit, ita pro certo habeo, necessario etiam in feminibus masculinis omnium animalium, locum habere. Inter Gallos vero primo loco memorandus 167. erit acutissimus *Malebranchius*, qui in egregio tract. de la recherche de la verité, sive de inquirenda veritate tom. I. lib. I. cap. VI. postquam de visus nostri imperfectione, & quod angustis admodum limitibus circumscriptus sit, dixerat, ut &, quod nobis sint demonstrationes evidentes & mathematicæ, de divisibilitate materiæ in infinitum, & quod hoc sufficiat ad inducendum nos, ut credamus, dari animalia minora usque in infinitum p. m. 41. dicit de *germine* in bulbo Tulipæ contento, quod in eodem *integra plantæ conformatio* appareat, verbis seqq. Lors qu'on examine au milieu, de l'hyver le germe de l'oignon d'une tulippe, avec une simple loupe ou verre convexe, ou même seulement avec les yeux, on découvre fort aisément dans ce germe *les feuilles* qui doivent devenir vertes, celles qui doivent composer *la tulippe*, cette peti-

petite partie triangulaire qui renferme la grain & les six petites colonnes qui l'environnent dans le fond de la tulippe. Ainsi, conclut ille, on ne peut douter, que le germe d' un oignon de tulippe ne renferme une tulippe toute entière Et pag. sequenti 42. Il est raisonnable de croire la même chose du germe d' un grain de moutarde, de celui d' un pepin de pomme, & generalement de toutes sortes d' arbres & de plantes, quoique cela ne se puisse pas voir avec les yeux, ni même avec le microscope; & l'on peut dire avec quelque assurance, que tous les arbres sont en petit (en racourci dicebat *Dedu*) dans le germe de leur semence. Idem deinde laudatus autor sub finem hujus pag. quoque ad animale regnum transfert, & adducit observationes *Malpighii* de foetu pulli in cicatrice ovi & *Schwammerdamii* de ranis in spermate seu ovulis ranarum contentis, & conclut: on verra encore d' autres animaux dans leurs germes, lors qu'on aura assez d' adresse & d' experience pour les decouvrir. *Malebranchio* adjungere fas erit illustrem quondam medicum, mathematicum, & physicum Gallorum *Perraultium*, 168. qui in ingeniosissimi opusculi, Essais de physique dicti præfatione inquit, se invenisse occasione verborum Hippocrat. (lib. 1. de diæta p. m. 303. non generatur, quod non est, cum non sit, unde generetur, verum augentur omnia) systema circa generationem viventium, quo supponat, omnia creata sub exordium mundi, ita, ut tum, cum quis credat, ipsa generari, solum recipiant augmentum reddens ipsa capacia actionum vitalium. Et Tom. III. c. VIII. hac hypothese, quam

in præsentī recensere non attinet, pag. 306. exposita, ut & p. 308. refutata veterum de anima formatrice sententia subjungit: c'est bien assez, que l'ame soit assez subtile, pour gouverner le *corps*, qui lui est donné *tout formé* de la maniere convenable à ses opérations. Et pag. 312. præformationis indicia quoque dat, dicens de plantis: les fleurs & les fruits sont *actuellement* dans la plante, avant qu'ils paroissent. Porro pag. 314. dans les petits corps des plantes, il y a des amas de particules ou petits grains, dans lesquels, lorsque la plante est parvenue à un âge parfait, se doit faire le developpement & l'ouverture des parties serrées des petits corps, qui en doivent naître. Pag. 324. Chaque grain de la *semence* des plantes, qui n'est rien autre chose au commencement, qu'un amas de *matiere preparée* pour recevoir la fermentation &c. *quam materiam jam tum præparatam* in medio paginæ denuo nominat. Et paulo post: laquelle est seule capable de developper insensiblement les replis du *petit corps de la plante*, empaqueté dans la *semence*. Tandem pag. 325. parvam plantam nondum viventem
 169. denuo adducit. Ex Danorum inclyta Anatomicorum *Bartholinorum* gente unicum brevitatis ergo nominabimus *Casparum*, qui in specimine compendii physicæ §. 20. p. m. 27. inquit: In fructu seu stylo, qui in diversis varius est, sed in omnibus uteri vicem supplet, affervantur *semina*, in quibus *delineata* latitat *planta*. Nec vero de præformatione dogmata hæc extra oras nostras tantum assensum nacta sunt, sed & in ipso Germaniæ nostræ sinu quasi fota, magnam exinde acces-

accessionem & augmentum acceperere. Ex pluribus
sententiæ hujus patronis paucos saltim allegaturi pri-
mum nominamus celeberrimum Lipsiensem Anato-
micum *Bohnius*, in circulo Anat. phys. progym. I. 170.
p. m. 463. inquentem: In exilissima minimi seminis
gemma uni-versi animalis vegetabilis compendium latet,
quod fotu quovis opportuno agitati intus conclusi
elateris, humidum nutritium impellentis, vigore vi-
vit & germinat, atque in radicem, caulem, partes-
que reliquas explicatur & distinguitur. Porro B. *Stur-* 171.
mius de gen. plant. & anim. dissert^{nis} t. hes. XIII^m p. m.
306. philosoph. eclect. Tom. II^{di}, post quam plures, ve-
terum æque ac modernorum, de gen. pl. sententias
docte refutaverat, tandem hac ipsa thesi laudans *Ste-*
nones, *Malpighios*, *Grewios*, *Bartholinos* & modo alle-
gatum Exper.^{mum} *Bohnius* dicit, rectissime eos judicasse
conceptum animalis non in utero demum fieri, sed in
ovario, actuatione seminis masculi jam factum, suis
membranis ac foetus generandi placentæque uterinæ
futuræ rudimentis sive primis staminibus plenarie in-
structum, in uterum deponi, prorsus eodem modo, quo
plantarum ovula sive semina in earum extremitatibus
pronata & spirituosiore florum aura, tanquam semine
masculino foecundata in terræ gremium *jam perfectum*,
plene conceptum deportant, efficiens porro aut plasti-
cum principium aliud præter calorem non desideran-
tia; ut pote *foetus futuri stamina & lineamenta organica*
ipso facto jam includentia. Hanc vero B. Vir sententiam
denuo dedit confirmatam in curiosa de Elephante
dissertat. sub finem ejusdem, p. m. hujus tomi 644.

- ubi rudimentorum illorum in ovulis *presuppositorum*, de-
 nuo mentionem facit. Celeberrimus quoque & rerum
 172. naturalium æque ac medicarum Exper^{mus}. *Valentini* in
 differt. epist. I. de nat. & essentia nat.^{ra} p.m. 121. plane
 dicit: Consideremus in omnibus plantarum *feminibus*
jam delineatas esse omnes vegetabilium *particulas* etiam
minutissimas. Perinde ac inclytus Vitebergensium Profes-
 173. sor *Bergerus* hisce placitis adstipulatur in tract. de nat.
 humana part. II^{da} p.m. 461. In gracillimis illorum *gem-
 mulis*, inquit, *pussillæ plantulæ* existunt. Et in sequen-
 tibus idem ad ovula animalium & humana applicans,
Schwammerdamii & *Malebranchii* vestigiis CL^{mus}. au-
 tor prorsus insistit. Auctoribus tandem hisce haud
 veremur annumerare celeb^{rum} Professorum bigam,
 alterum in inclyta Jenensi, alterum in alma hac Julia
 scientiæ naturalis doctorem, B. puta *Posnerum* & B. *Schra-
 derum* magna dum viverent, literati orbis ornamenta,
 174. nunc vero eheu, desideria! Ille enim, quanquam Tabb.
 Geneanthropol. superius laudatarum VI^{ta}. de format.
 part. inter modos recensitos, solam liquoris in ovulo,
 humano reperiundi *μεταβολήν* includentem *ἀλλοίωσιν* cum
 Peripateticis admittit, atque *ἀύξησιν*, quæ in præfor-
 matione jam sufficeret sola, non sine censura adducit;
 nihilo tamen minus in sequenti XVIII^{ma}. de vita foetus
 atque de nutritione ejusque initio, *Josephi de Aroma-
 tariis* sententiam, superius quoque memoratam, hisce
 verbis probat & dilaudat: maluisse eum dicere (*&
 dixisse quoque verius*) plantarum semina foecunda plan-
 tam jam genitam ac conformatam, obtinere. Unde
 verborum horum intuitu non dubitavimus B. Virum
 inter

inter præformationi faventes collocare. Hic autem
 B. *Schraderus* noster in MS.^o. quodam physico egregie 175.
 inquit: in hoc tam exili puncto (semen plantarum in-
 nuens) integræ plantæ conformationem cum caulibus
 foliis, & floribus, non *potentia*, sed *actu ipso* hæerere,
 contendit *Harveus* de generat. anim. Imprimis autem
 stupenda sagacitate & laudabili industria in omni
 fere vegetabilium genere id detexit, ac in insigni ope-
 re suo de Anat. plant. delineavit *Marc. Malpighius*.
 Quamvis vero laudatissimi autores in ipsa præforma- 176.
 tionis *suppositione* ad unum omnes consentiant, nihilo
 tamen minus in ipsius *productione* in diversas denuo
 abeunt partes, dum alii v. c. *Schrammerdammius*, *Ma-*
lebranchius & *Bergerus*, prima illa a Deo in mundi hu- 177.
 jus creatione condita semina cum omnibus reliquo-
 rum seculorum millionibus grvida fuisse, atque in u-
 no quoque semine non saltim præformationem, sed in
 hac iterum maximum imo infinitum numerum simi-
 lium secundorum tertia, tertiorum quarta, &c. incom-
 prehensibilis parvitatibus includentium supponunt; alii 178.
 vero *Perraultius*, *Sturmius*, & quos Beatus vir secum
 consentientes allegat, *Augustinus*, *Kircherus* & *Fabry*,
 simplicius conceptuque facilius statui credunt, innu-
 merabilia corporum animalium, humanorumque ru-
 dimenta primæve sphaeræ huic elementari ubique per-
 mixta, una cum succo nutritio in omnes corporum
 jam viventium ac sentientium partes provehi, nec alibi
 tamen, quam in ovariis foemellarum secerni & radicari;
 alius vero *Illustris* quidam *Vir* præsens hoc equidem 179.
 gravidum futuri dicit, quamvis non quidem semper
 ne-

neccessaria consequentia, semper tamen determinata aliqua inclinatione. Ex quo generalissimo principio tanquam exiguum aliquod, maxime tamen sensibile corollarium, consequi ingeniosissime existimat, quod de organicorum in seminibus præformatione experimenta ipsa confirmant, id est, plantarum atque animalium membra jam in seminibus esse delineata; ita, ut plus minusve, pro gradu generationis repetitæ aut multiplicatione transitionum, virtualis expressio ad formalem accedat, distinctiusque exprimitur planta in semine proxime anteriore, quam in semine ejus plantæ, ex qua proximum semen processit. Diversas igitur has summorum virorum hypotheses cum, ob crescentem hujus dissertationis molem, paucis saltem tangere nobis liceat, eapropter alia quadam occasione easdem fufius dehinc exponere D. Præses allaborabit.

180.

Quemadmodum igitur ingeniosissima autorum horum placita, qua par est veneratione, prosequimur; ita, ne plane ἀσύνβολοι abeamus ad reliqua, paucis etiam, & qua par est modestia, sententiam nostram, de præformatione in plantis, exhibebimus. Ac primo equidem extra omnem controversiam est positum, curiosiorem plantarum incisionem & lustrationem, a recentioribus, adminiculo illo microscopiorum egregio adjutis & multo oculatioribus redditis, institutam, in genere magnam partium organicarum compagem, quam veteres in simpliciiori illo, præ reliquis viventibus ac sentientibus, plantarum corpore haud equidem conjectura affecuti erant, in aprium produxisse, confirmante id ipsum insigni opera industriorum phytotomorum, *Malpighii Grewii,*

&

& *Leuwenhoeckii*. Eadem autem virorum horum admodum laudanda solertia citatis superius in scriptis in specie evictum quoque dedit, *semen* plantæ non rudem tantum & plane indigestam molem pro futura planta intra folliculos suos condere, sed juxta illam, pro nutriendo futuro foetu eidem semini inclusam pulpam, præsto quoque esse *secundo jamtum distincta & futura* 181.
plantæ specifica quædam *rudimenta*, in aliis, præsertim grandioribus feminibus, magis, in aliis minus conspicua. Hæc in plurimis plantarum generibus tribus partibus essentialibus, radícula, binis foliolis feminalibus & gemma, superius recensitis, absoluta, & *extrinsecus* patent, & *intrinsecus* certa quorundam & evidentia *vestigia* reliquorum itidem præsentiam haud obscure arguunt. Ut enim de diversitate *radicularum*, a *Malpighio* 182. Anat. plant. p. 1. tab. 53. & 54. & *Leeuwenhoeckio* cit. de orig. plant. Epist. p. 59. 78. 83. 88. 90. 93. 94. egregie & curate delineatarum, nihil moneamus, ipsa præprimis *folia feminalia*, sæpius foliis plantarum exacte respon- 183.
dencia, fuisse observata, & exemplum foliorum feminalium arb. Gossipii superius p. 65. memoratum, & alia, paulo inferius recensenda, abunde confirmant, nulumque est dubium, multo majorem varietatem ipsius *gemmæ* lustrationem, si modo exilissima ejus substantia visum quoque armatum haud adeo effugeret, nobis ostensuram. Præter *externas* harum partium, diversis in plantulis feminalibus, differentias diversas, non modo *Malpighius* & *Grevius*, sed & *Leeuwenhoeckius*, lynceis suis oculis in *internas* earum facies & in- 185.
quisiverunt, & non parum quoque penetrarunt. Ra-

- dicula enim Fraxini plantulae, ut duas saltem in exemplum proferamus, per transversum scissa totam secti ramusculi arboris figuram conspiciendam, & præter medullam millena ferme ascendente vasa industrio *Leeuwenhoeckio*, præterea autem diversam plane a radícula plant. arb. *Gossipii* faciem exhibuit, adeo, ut cum illius termini circa medullam *elliptici* essent, hujus e contra *octogonum* egregium referrent. vid. loc. c. p. 60. & 86.
186. Hanc itaque rudimentorum *extrinsecus* quoque conspiciuorum diversitatem, non aliam quam *propriam* & *speciei suæ* in quam fibrarum mechanismo tendunt, *convenientem texturam*, seu *determinatam* minimum ad eandem *inclinationem internam*, quocunque nomine eandem nominare velis, arguere & præsupponere, concludendum omnino esse existimamus. Quod autem *tertio* in hisce plantarum seminibus seu ovulis, eorumque plantulis seminalibus *integer*, plane *foetus*
187. seu planta cum *omnibus* ac *singulis* suis *partibus*, etiam *minutissimis* quibuscunque integre & *perfecte* *conformata actu ipso præsens* sit, illud equidem neque ex laudatissimorum virorum observationibus & schematicis, diligentissime conquisitis & lustratis, neque ex propriis, qua par erat industria ac sagacitate, institutis observationibus nobis equidem colligere haud potis fuit. Quin potius ex ipso seminum vegetationis catalogo Malpighiano, ejusque iconismorum tabulis contrarium defensuri statim refelli poterunt, solam v. g. *radiculam* plant. seminalis Cucurbitæ, Phaseoli &c.
188. intuentes. Quod si enim in tali foetu planta *integra* cum minutissimis suis partibus actu ipso præsto est *nullum*

nullum est dubium, etiam ejusdem *radiculam* cum
 omnibus ejus *ramulis* seu *fibrillis* exporrectis instructam,
 præsentem esse debere. Jam vero, uti observationes
 Malpighianæ cum propriis nostris demonstratum de-
 dere, talis radícula, antequam semen incubatum fu-
 biit terræ, ne *minimam protuberantiam* exterius vel nudo
 vel armato oculo ostendit; quamvis, uti egregie *Mal-*
pighius part. II^{da} anat. plant. de seminum vegetatione
 observat, in secta per longum radícula fibrarum ligne-
 arum fasciculi F. (vid. fig. II.) occurrant, *rotundos glo-*
bulos E. pro hisce *ramulis* hinc inde prominentes, quæ
 ramulorum *inchoamenta* soli objecta, cum sint diapha-
 na, statim patent, ovuloque hoc per aliquod tempo-
 ris spatium fotum terrenum experto, atque exinde
 cortice radiculam ambiente, porulisque laxatis, sponte
 sua erumpunt, atque in conspectum prodeunt. Et ut 189.
 hæc ipsa mechanico quodam exemplo illustremus, non
 incongrue forte cum spirulis ferreis vel orichalceis
 erunt comparanda, ita ab imo surgentibus, ut ad api-
 cem usque versus axem nonnihil subinde contractæ,
 commodò situ sibi invicem cedentes, prorsus ad fun-
 dum usque comprimi queant, quo posito, ipsis quasi
 violento, detentæ, laxata, uti dictum, corticula, vi
 hujus intus conclusi elateris, statim prorumpere, at-
 que quousque possunt, sese extendere conantur.
 Quare, quando celeberrimi illi plantarum scrutatores 190.
 ac phytotomi de *integra partium conformatione*, de *per-*
fecto plene conceptu, de *universi animalis Vegetabilis*
compendio, de *delineatis omnibus Vegetabilium* etiam *mi-*
nutissimis particulis, & similiter loquuntur, hæc rati-

one & modo huc usque exposito intelligenda, atque intellecta veritati prorsus consona esse, gratissimi agnoscimus atque depraedicamus.

191. A genere ad speciem descendendo, nunc porro demonstratum damus, in convolvulis nostris quoque superius dicta locum habere. Plantulae eorum seminales non modo externe ab invicem maxime differunt, sed & in aliquibus *foliola* eorum *seminalia* cum futuris plantae foliis *accurate* conveniunt, confirmantibus id ipsum & Phaseolorum maxime obviorem foliolis fig. 12. lit. (b) delineatis, & pag. 46. sub. n. 121. ex *Hermann*o memorato Convolvuli Zeylanici minoris seu pedis Tigrini dicti exemplo, cujus semina aquae tepidae injecta bina foliola pandunt, foliorum plantae hujus in omnibus aemula. Quae ipsa quemadmodum oculos lustrantium praesertim armatos haud effugiunt, sic de
192. concedendis esse putamus, etiam in seminibus convolvulorum nostrorum eorumque plantulis seminalibus, integrum & artificio summo contextum apparatus *gyrorum* illorum, vel ad dextram vel ad sinistram vergentium, per quos suo dein tempore ascensum molietur planta, praesentem futurum & hospitaturum esse, quamvis ille ob summam ejus exilitatem & nudum & armatum visum fugiat, atque ob eandem, adhibita licet omni solertia, sagacitate, & exquisitissimis microscopiis, in plurimorum convolvulorum nostrorum plantulis seminalibus, quod ingenue
193. fatemur, haud fuerit observandus. Non enim cum hisce plantarum ovulis uti cum illis in animalium ovariiis reperiundis comparatum est, in quorum vesiculis
lati-

latitante humore lento atque unctuofo ad fenfum homogeneo & inorganico, antiqua phyficorum fchola integra ac fubtiliffima embryonis generandi, ut & placentæ uterinæ dictæ ftamina, jam tum ante admiſſum marem præſentia, nullis unquam conjecturis eſt aſſecuta. Horum igitur defectu, non niſi ex liquoris hujus tranſmutati ac alterati principiis formationem partium ac corporis organici ex his extruccionem deducendam, exiſtimavit. Cum vero noſtra convolvu- 194.
lorum primordia in plantulis ſeminalibus incluſa tali hoſpicio fluido innatantia haud deprehendantur, ſed ſtamina ac fibrillæ illæ *unicuique ſpeciei propriæ*, ſolidiores præ illis atque ita diſpoſitæ ſint, ut locum mutare inter ſe, ſuperioresque deſcendere, inferiores contra aſcendere nequaquam valeant, quid quæſo aliud, quam *artiſciociſſimus* talis quoque *ſpirarum* ac *gyrorum mechanifmus* jamtum *præſens* ac ante *delineatus* quaſi ſtatuendus erit, quam immiſſo in terram ſemine germinationis fiat initium. Et hic, de quo dictum eſt, mechanifmus, (quem, ſi conjecturæ locus eſt, forte 195.
ex minutiffimis futurorum caulium diſpoſitis, inque ſibi invicem complicatis circellis collectum concipere quodammodo liceret) in plantulis ſeminalibus diſpoſitus, primum præbet generalium illorum phænomenorum, in omnibus convolvulorum noſtrorum ordinibus locum habentium. Nunc germinationis ipſius primordia non modo erunt indicanda, ſed &, quomodo ſecundum delineata hæc gyrorum ſtamina opus ſuum *extra ſemen* quoque exequatur natura, erit exponendum. Ad exordiundam igitur convolvulorum noſtrorum 196.

- vegetationem requiritur primo, ut semina eorum *fœcunda* sint, hoc est, ut præter memoratam pro germinatione necessariam materiam præsens & vetustate nondum exhaustum sit *spirituosum* illud principium, quod in actum deinde ipsam germinationem promovet. Huic autem terræ immissæ intrinsecæ seminis substantiæ, atque protrudendo germi, extrinsecus deinde in auxilium adveniunt bina alia subsidia, alterum
197. nempe *humoris* purissimi, per membranas semen cingentes percolati, atque in locatis ibi siphonum ordinibus, ne tenerrimæ illi fœtus dispositioni rudior quædam particula officiat, ulterius, uti superius dictum, præparati; alterum vero blandi illius partium
198. larum subtilium in *calore* motus, per poros terræ incumbentis, membranarumque dictarum, transeuntis, atque latentes in spirituosâ dicta seminum aura igniculos, fomite idoneo nacto, fuscitantis & excitantis. Inde igitur, accedente in membranarum utriculis hærente sale fixato, fermentatione quadam oborta, exile hoc novi hospitis domicilium motu illo non saltem expanditur, sed & alimentum accommodum, in ipsa plantulam seminalem fovente pulpa simul reconditum, tenello huic fœtui propinatur atque in fibrillas ejus subtilissimas sensim adigitur & intruditur. Hisce exinde auctis, consumtaque alimenti hujus penu, cortex dirumpitur, radícula, nunc pluribus ab ipsa exeuntibus fibris successive ornanda, in terræ sinum demittitur, atque ex hoc pro adolescentibus, majusque robur nactis fibris alimentum, per plures filtrationes, fermentationes & circulationes in radice præpara-

paratum, assumitur. Hujus itaque puriores; magisque sic volatiles ac leviores redditæ, particulæ gemmam ascendunt, atque eandem successive attollunt, ut inde totum corpus organicum in conspectum prodire incipiat, stolone ipsius plantulæ tenerrimo *peculiari* & non in omnibus feminibus obvio modo prodeunte. *Sto-* 199.
lonem vocamus tenellum illum *caulem*, qui, expandentibus sese successu temporis binis foliolis seminalibus, ex horum sinu cum sua, quem in summitate gerit, *gemma* exire incipit atque elongari. Hunc igitur, quod *secundum* inter generalia omnibusque convolvulis communia phænomena est, in Lupuli, Cuscutæ, Convolvulorumque specialissime sic dictorum, quotquot obtineri potuerunt feminibus, sedulo & cum cura illustratis, præprimis autem fig. 12. delineatis Phaseolis, cum gemmula sua (b) non per *rectam lineam*, sed per *angulum*, quem cum radícula format, & *arcum* ex eadem (c) atque ita egredi, vidimus, ut hærente in altera foliorum seminalium (a) parte ipsa plantula (b), altera foliorum horum seminalium pars in latere (d) plantæ (b) opposito, major ut pote, &, (quod ob longam inter (b), ubi plantula folio seminali innexa est, & (d), distantiam ultro sequitur) majus pondus obtinens, plantulam (b) necessario *mutare* facit, atque versus terram *inclinare*, ejusque situm magis *obliquum* reddere. Unde, quamvis caules convolvulorum nostrorum e terra prorumpentes *recti* videantur, ob fortem illum succi nutritii in fibras eorum impulsus, utriculorumque exinde turgescentiam, nihilo tamen secius, quod in Phaseolis patet, seminalia illa folia *mole* sua ita *caulis*,
 jam-

- jantum in convolvulis nostris, præ ceteris plantis, *ternioris* summitatem gravant, ut tota plantula versus *terram propendens* appareat, quod egregiis schematibus delineavit *Malpigh.* anat. plant. p. II^{da} Tab. ad femin. vegetationem spectante II. Hinc ergo caules convolvulacei eodem modo prodeunt ac in quibusdam plantis *capreoli*, de quibus *Malpigh.* cit. part. II.^{da} de capreolis dicit: Hæc flagella a primordiis tenella & *parum obliqua* producuntur, temporis tractu solidiora reddita in *spiram* contorquentur. Diversa autem plane ratione *stolones* hosce ex seminibus plantarum *caule robusto* præditarum, v.g. Cerasis, Pyris, Pomis, Prunis vulgaribus & Persicis, Juglandibus item & Avellanis, Castaneis & Quercuum glandibus, nec non aliquot capreolatis, Cucurbita, Melone, Cucumere &c. prodire observavimus, in quibus omnibus *Stolon* (b) (vid. fig. 13. Cucurbitæ semen repræsentantem) cum gemmula sua erga radiculam (c) positum haud, uti in prioribus, *obliquum*, sed *rectum* obtinet, perpendiculariter ex eadem exeundo, nec cum eadem angulum quendam faciendo, ita ut folia seminalia (a) nullam in partem sese flectere queant, ac exinde stolonem sive caulem inclinare.
202. Quanquam autem egressus hic stolonum obliquus foli convolvulorum nostrorum ordini, quod ante plura lustrata alia semina equidem credebamus, haud sit proprius, sed in Pisis, seminibus Fœni Græci, Meliloti, Rutæ, Cannabis, imo & Fabis, & Phaseolorum specie illa non scandente per caulem, sed repente, idem a nobis sit observatus, nihilo tamen minus in hisce idem effectus & convolutio caulis circa ful-

fulcra obvia sequi minus potest, absentibus reliquis ad motum hunc necessariis, *præformatione gyrorum*, caulium *debiliori* structura, & aliis dehinc dicendis; æque ac in aliis capreolatis allegatis caulibus *debilitatem* ad ascensum illum spiralem ne hilum quidem conferre videmus, deficiente *præformatione* dicta &, qui eandem postmodum sequitur, *stolonum egressu obliquo*. In nostris autem 203. convolvulis hunc *egressum obliquum* & præformationis *effectum* intuemur, & eundem cum reliquis, ad ascensum peculiarem quoquo modo facientibus, motum hunc gyrisformem prorsus juvare credimus. Quod 204. enim Medici solenter observant, qui morbum hunc vel illum, quem unum aut alterum tantum signum seorsim spectatum non proderet atque indicaret, ex hisce tamen & pluribus collective sumtis præsentem esse, recte concludunt, id nobis etiam, eosdem imitaturis, concessum iri confidimus, dum ex obliquo hoc stolonum egressu, cum aliis juncto, causam hujus convolvulorum nostrorum ascensus spiralis eruere conamur. Quando nunc per aliquod temporis spatium, in aliis longius, in aliis brevius, stolones rectum ascensum, uti dictum, sunt moliti, tum porro hisce deficiens *robur*, ad eosdem hac in linea conservandos, cuivis observare licet, *reclinante sese* ad terræ sinum, unde egressus erat, ni obvia inveniat fulcra, *caule*, ejusque *summitate*. In hac enim hærentia *folia in glomum convoluta* (quod *tertium* ex phænomenis generalibus, in omnibus convolvulorum classibus observandis est) *caulem maxime tenuem & tenerum*, quod inferius demonstrabitur, *gravant*, & ad *latus*, ad quod,

- prævia in feminali plantula superius demonstrata dispositione, jantum sese inclinare conatur, eundem
206. *nutare* faciunt. Obviam vero porro in singulis ferme convolvulorum nostrorum glomis hæc *quarto* sese fistit *glutinosa* quædam & *balsamica substantia*, ex caulium tenellorum, succoque magis turgidorum corticibus, eorumque utriculis, exudans, quam variis in caulibus, in aliis magis, in aliis minus copiosam observavimus.
207. *Quintum* porro phænomenorum, in omnibus convolvulis spectandorum, est *caulis structura* præ aliis magis *tenera* & *gracilis*. Hujus in examine versati, sectis quam plurimis per transversum caulibus, observavimus eorundem structuram *externam* & *internam*. Quamquam vero ratum nobis fuerit, *externam* caulium superficiem ante lustrandi, quam, remoto cortice, ad *interiora* eorum fieret progressus, nihilominus, mutato consilio, de hoc eorum mechanismo interno primum dicemus, quoniam in eodem occurrunt *duo* iterum maxime generalia, & in omnibus convolvulorum caulibus observanda, fibrarum puta textura, & caulis media concavitas.
208. Ut igitur singula hæc melius paterent, varios convolvulorum, & quotquot obtineri potuerunt caules, *per transversum*, uti dictum, sectos, opè microscopii lustratos, examini subjecit ac delineavit Dn. Præses, eosque ita selectos, ut non plane exsuccis & *aridis*, nec etiam prorsus *virides* & succo turgescences; deinde ut *tenelli* magis, & circa summitates, in quibus quotidie adhuc flexuræ fiebant, positi essent. In aridis enim, quamquam ordo fibrarum, tubulorumque iisdem interjectorum (quos terminos

minos mox dabimus explicatos) succo omni penitus exhausto ac absente melius pateret, *figura* tamen totius caulis valde immutabatur, ita ut e. g. in Convolvulo majori fig. 6. & minori fig. 7. caulis, qui viridis ferme rotundus vel parum angulosus erat, triangularis plane, introrsum arcuatis cruribus (quod melius ex fig. 7. patet) redderetur. In viridibus autem, haud quidem vitiata caulis figura, nec fibræ, nec hisce interjectæ cavitates & tubuli, nec quoque corticis utriculi ob succorum, omnia vasa delentium & inconspicua redditum, copiam, erant visendi. Præterea *tennellorum* ac paucos ante dies saltem protrusorum, caulium *textura* erat lustranda, quoniam hi *subiecta* erant motum *gyriformem* ab *externo* agente (de quo in parte nostræ dissertationis posteriori dicetur) introductum *recipientia*, reliquo, versus inferiora posito caule, in situ hoc nihil mutaturo. Ex figuris hisce tres priores 209. sunt convolvulorum a *sinistra* ad *dextram* nobis scandentium, nominatim fig. 1. Lupuli sativi; fig. 2. Periclymeni vulgaris; fig. 3. Frumenti Saracenici speciei alterius. Reliquæ, a fig. 4. ad 9.^{nam} inclusive, convolvulorum a *dextra* ad *sinistram* sese gyantium delineationes exhibent, & quidem fig. 4. Phaseoli majoris sive vulgaris; fig. 5. Cuscutæ majoris; fig. 6. Convolvuli majoris; fig. 7. Convolvuli minoris; fig. 8. Convolvuli minoris Siculi; & fig. 9. Convolvuli purpurei folio sub rotundo. *Concavitas* itaque *caulis* (ut ab intimo ordine versus exteriora procedamus) toti convolvulorum nostrorum generi propria est, lit. (a) in singulis figuris notata. Oritur hæc, quando interioris illius

- substantiæ (b), *medulla* appellatæ, *utriculi*, hoc est vesiculæ sive sacculi membranosi, candidi, ut plurimum inæqualiter angulosi, *tabescere* incipiunt, unde *fistula varie excavata* apparet, *rotunde* magis in Caprifolio seu Periclymeno fig. 2. & Cuscuta fig. 5. ut & Frumenti Saracenicæ specie altera fig. 3. (in qua tamen semita quædam medullaris, uti figura indicat, rotunditatem vi-
tiabat) *elliptice* autem in Lupulo, *triangulariter* in Convolvulo majori fig. 6. & minori fig. 7; *irregulariter*
212. in reliquis. *Cavitas* hæc caulis versus inferiora & radicem sensim *minor* evadit, & in aliquibus plane *nulla* amplius apparet, *medulla* ejus locum prorsus occupante. *Hujus*, quæ sequitur, compages, in convolvulis nostris, utpote quam plurimis brevioris vitæ, dictis in locis admodum luxurians, ex mente *Malpighii*
213. composita est ex transversalibus *utriculorum* ordinibus, hinc inde a diversis fibrarum fasciculis pendentibus, nec fibrarum ligneorum implicatione firmatis. Continet aqueum nutritivum humorem copiosum, quare non modo *cito crescunt*, & *cito* iterum *pereunt* plurimi illorum, sed & ob hanc rationem, cum aliis de hinc dicendis conjunctam, *caules* eorum *sua destituuntur firmitate*. Facile hæc medulla a reliquo vasorum thorace, & colore, & utriculis suis, atque substantia rariori distinguitur, & in aridis Lupuli caulibus, aliisque, instar globulorum alborum apparet. In Periclymeni vero fig. 2. medullæ ambitu, uti figura ostendit, utriculi hi magis sunt visendi. Convolvuli Siculi fig. 8. medulla *ellipticum* ostendebat *vasculum* (Z) *rubello* quodam *liquore turgens*, quem *resinæ* cujusdam saturatæ portiunculam judi-

judicavimus, & pluribus factis aliis incisionibus denuo
inquisivimus, frustraneo tamen conatu. In Cuscutæ
fig. 5. cauliculo viridi copiosus humor ejus locum (b)
intercipiebat, in arido autem substantia ejus exilissima
vix erat visenda. Sequens porro caulium reliquus thorax
ex variis vasis & visceribus coagmentatus, notanda
offert vasa, quæ *fibræ* appellantur, tum *minores*, tum *214.*
majores, utraque in convolvulis nostris, solo Pericly-
meno & Cuscuta, in quibus *minores* saltim apparebant,
exceptis, reperiunda, peculiarique ratione constructa.
Malpighio fibræ hæ, seu *fistulæ* sunt *filamenta longa*,
tubulosa corpora, subingredientibus liquoribus pervia,
formantia, quæ, quoniam substantia eorum præ illa
medullæ ac utriculorum firmior paulo est, lignumque
magis æmulatur, *lignæ* inde vocantur. Diximus ve-
ro notanter, fibras hæc *filamenta*, & potius substan- *215.*
tiam illam *fibrosam*, fistulas illas efformantem, quam
cavitates tubulorum ipsorum, cum contentis in iis-
dem liquoribus, respicimus ac consideramus. Mino-
res in singulis figuris literis (c), majores vero literis
(d) indigitavimus. Illæ sunt *alba illa interstitia, minoribus* *216.*
cavitatibus (quæ in Lupulo fig. 1. & Phaseolo fig. 4.
rotundæ & ellipticæ magis, in Periclymeno vero & Con-
volvulis *angulosæ*, & ut plurimum *quadratæ* erant) *in-*
terjecta, in quorum filamentorum, incisus secundum
longitudinem caulibus, examine illud, quod apprime
notandum, deprehendimus, *fibras* hæc in convol-
vulis nostris *admodum teneras* esse, & quod conjunctum *217.*
erat, *flexiles*, deinde, *haud quoque contiguas*, sed
aliquo spatio inter se distantes, quod utrumque in majo- *218.*
ribus

ribus præsertim caulibus, Lupulo v. g. Phaeolo & Convolvulo majori vel nudis oculis licet observare. Ligneæ hæ *fibrarum* portiones, in quas *fistularum*, ut & *trachearum*, de quibus mox dicetur, ora hiabant, peculiarem quandam *zonam* componebant, & versus centra caulium totidem quasi lineis erant directæ. In Lupulo fistulæ hæ in *fasciculos* (f) magis apparebant collectæ, quorum ordines, interiorem & exteriorem, interstitium quoddam pariter *fibrosum* (e) ab invicem circum circa destinguebat. *Tenue* admodum harum rete in Periclymeni furculo tenello, qui instar Arundinis erat, fig. 2. sese offerebat, quod ipsum tamen in planta hac, non uti in ceteris *annua*, sed maxime *perenni*, ob intrusionem succi nutritii, quotannis noviter susceptam fibrisque appositam, sensim sensimque

219. *obliteratum* vidimus, ita, ut in caule *adulto* fibræ magis *solidæ* atque *contiguae* apparent, cavitate interna simul quoque dehinc minore reddita, paulatimque dispereunte, uti in reliquis quoque convolvulis idem fieri, dictum est superius. Phaeolus fig. 4. fistulas hæc minores in *fasciculos* (f) itidem collectas ostendebat. Tenuissima vero vasorum modo dictorum (c) textura in Cuscutæ caule, omnium reliquorum tenerrimo, fig. 5. venit spectanda, ita, ut nonnisi sub sensum magis adhuc armandum eadem cadat. Succus intus est copiosissimus, spumam quasi referens. In Convolvulo majori fig. 6. & minori fig. 7. quamvis virides rotundi magis essent, *fibrarum* harum & *fistularum minorum* *zona* nihilominus in *trianguli equicruri*, basin lateribus majorem habentis, *forma* erat *disposita*, & ita

ita ordinata, ut in angulis ad basin sitis (g) & (g) prorsus ad *extima* caulis & *confinia* corticis excurreret, caulemque hisce in locis valde *debilem* redderet. *Fibræ* porro *maiores* constituunt *maiores tubulos* (d), in singulis caulium sectionibus, præter Periclymeni & Cuscutæ, uti dictum, sese ostendentes. Tubulorum horum *numerus* in uno eodemque caule admodum *variat*, & sensim versus inferiora *multiplicatur*. Majores hi in Lupulo fig. 1. hinc inde, modoque in *interiori*, modo *exteriori* fasciculorum ordine locati inveniebantur. In Frumenti Saracenici specie altera fig. 3. eosdem (d) circa *corticis* limites magis, & *extra fibrarum minorum zonam* positos contemplabamur. In Phaseoli caule hexagono fig. 3. *concinno* quodam *ordine* & in *angulis* & in *laterum intermediis* dispositi observabantur. In Convolvulo majori fig. 6. & minori fig. 7. iidem (d) *exteriorem* denuo *regionem* aliquot in locis occupabant, quorum unus in Convolvulo majori prope Periclymenum *interstitium* aliquod diametraliter transiens, tubulumque duas in partes distinguens, offerebat. Cumque in lateribus zonæ fistularum minorum triangularis horum tubulorum *ultra quinos* vel *senos* in Convolvulo majori haud numerassemus, in eodem tamen caule, altitudine pedis unius a terra dissecto, angustiore multo reddita zonâ illa cum fistulis suis, *exteriorem* hanc e contra ad latera positam *fibrarum substantiam*, *multiplicatam* magis & ultra 20. (in aliis 70) tub. majoribus distinctam,prehendimus. Convolvulus vero Siculus fig. 8. paucos saltem & non nisi *ternos* tales fistulas majores. (d) nobis ostendebat, quarum maxima

- in ipso corticis *limine*, reliquæ minores versus *interiora* sensim erant locatæ. Convolvulus purpureus fig. 9. paucis quoque majoribus *circa corticem* erat distinctus. Præter fibras hæc, in convolvulis nostris singulari
221. modo dispositas, iidem & *fistulis* aliis gaudent, *spirabilibus* nempe, quarum inventionis gloria redundat in sæpius laudatum *Malpighium*, qui eas *trachearum* nomine insignivit, Anat. plant. part. I. p. 14. ab officio quod præstant *πνεύμα* enim Medicis arteria aspera, seu arteria trachea, Germ. die Lufftröhre vocatur. Sunt nempe corpora tubulosa, ut plurimum rotunda, sæpius elliptica, perpetuo patula, longa, recta potissimum via a radicibus sursum in truncum, caulem & ramos tendentia atque dispersa, constructa ex lamina quadam admodum subtili, plana, & paulisper lata, argenteo-lori, in spiram contorta, aeri excipiendo & continendo destinata. Cum enim respirationis tanta sit necessitas & usus, ut sine hac corporibus organicis ac viventibus vita superstes ac integra manere haud queat, id propter in singulis viventium ordinibus, teste *Malpighio* cit. loc. p. 15. natura varia, hujus in gratiam, paravit instrumenta, *pulmones* nimirum, quibus analogæ
222. sunt hæ plantarum *tracheæ*. *Laminam* hanc spiralem, facta laceratione facile in oblongam fasciam ducendam, ulterius microscopio lustratam, in plantis *Malpighius* cit. loc. ex *squamosis frustulis* compactam adinvenit, ut eo facilius constrictionem & dilatationem in vehementibus flexuris & curvationibus (quales potissimum in convolvulis nostris dantur) ut & in elastico conclusi
223. aëris motu, sufferre possit. Ambiant easdem perpetuo ligne-

lignearum fibrarum fasciculi , veluti vagina quædam,
 unde circulationem succi in hisce vicinis tubulis con-
 tenti egregie promovet inclusus, & per radicum oscula
 copiosissime admissus, aer. Hic enim in tracheis con- 224.
 tentus (uti celeberrimus Botanicus *Tournefortius* in di-
 ctionario Botanico Elementorum Botanicorum Tom. I.
 subjuncto Gallicæ editionis p.m. 561. loquitur) sese ela-
 sticitate sua magis quam ordinarie extendens dilatat
 tracheas, & comprimit earum parietes, ita, ut succus in
 vasis adjacentibus contentus moveri cogatur versus lo-
 cum, ubi minus resistentiæ adinvenit, & transire subin-
 de, prout compressio hæc magis vel minus est ibidem
 suffulta. Quibus, pergens in hoc trachearum usu, ad-
 dit egregie: Fieri etiam potest, ut per medium trachea-
 rum filtretur & coletur materia quædam aërea, augens
 fluiditatem succi in vasis vicinis contenti. Quemad-
 modum igitur in hac, quam *tracheæ* præstant ope, con-
 sentiunt *Malpighius* & *Tournefortius*, sic *Grewius*, refe- 225.
 rente *Rajo* hist. plant. tom. I. lib. I. c. V. p. m. 8. iisdem
 & hæc officia adscribit, quod primo vere per *easdem* in
 plantis quibusdam *lympa ascendat*, cum *corticis* lymphæ
 ductus, seu *vasa*, tum primum *formari* incipiant. Hisce
 vero debita *extensione* inducæta, succum, tracheis dere-
 lictis e diverticulo in viam redire, quoin tamen minus
 consentientem habet *Rajum* cit. loc. Luxuriant *tra-* 226.
cheæ admodum in ligneâ illa convolvulorum nostrorum
 portione, & nudis oculis in singulis eorum caulibus dis-
 sectis & delineatis sese ingessere, solo *Cuscutæ* cauliculo
 excepto, cujus tenerrima substantia trachearum inda-
 gationem semper elusit. Ad confirmationem dictorum

- inspicienda est fig. 4. B. ubi secto in *Phaseoli* caule hexagono *trachearum* (t) nominatarum *laminae*, in inferiore parte *spiraliter convolutæ*, in superiore vero in *fasciam oblongam ductæ*, sunt visendæ. *Textura* quoque hæc *trachearum spiralis* ut melius pateret, in schedula ejusdem
227. fig. sub literis iisdem (t) (t) separatim est delineata. Lustrato interiori vasorum thorace, pergimus tandem ad contemplandam caulium, in convolvulis nostris, *externam* faciem, folliciteque rimandum, quicquid in usus nostros, pro explicando dehinc ascensu illorum gyri-formi, cedere unquam poterit. Includitur modo no-
228. minata vasorum peripheria *cortice* suo, ipsum *situ parallelo* undique ambiente. Externa ejus facies, *tenui* potissimum obvelata *epidermide* seu *cuticula*, *fibrosum* quoddam *rete* exhibet cujus spatia *utriculis* quamplurimis (u) (u), plerumque *horizontaliter* sitis, liquoreque, quem e fibris excipiunt, turgidis sunt referta. Præter hosce autem adfunt quoque *vasa succifera* peculiaria, *succum* singulis proprium ac *specificum*, v. gr. *lacteum* in *Scammoneis*, *Convolvulo Americano* seu *Mechoacanna alba*, *Soldanella maritima* minore & reliquis; *gummosum* in *Convolvulo Althææ folio* &c. vehentia. Tum *cuticulam*, tum *utriculos* memoratos aliquo modo in *Lupulo* fig. 1. A. magis vero in *Periclymeno* fig. 2. indigitavimus, quæ ipsa eadem ratione de ceteris quoque volumus intellecta. *Cuscutam* fig. 5. magis *cuticula* tenuissima maxime glabra quam *cortex* ambit, cujus substantia, ob summam ejus exilitatem, singulatim haud potuit indagari ac delineari. Hisce in transitu quasi monitis, illud magis attendendum, nostro equidem judicio, esse putamus, quod ex con-

convolvulis nostris *Lupulorum* & *Phaseolorum* caules cor- 229.

tice gaudeant *spinoso* & *hirsuto*, & quidem in prioribus *spinæ* microscopio lustratæ eandem habent faciem, ac illæ in *Rubo* vel *Cynosbato* (vid. fig. 1. B. infimo in tabula loco repositam) *hamulis* eorum (h) *versus inferiora recurvis* existentibus; in *Phaseolis* vero (vid. fig. 4. B.) *hamulorum* horum (h) *unusquisque duplici* constat *unculo*, *terram versus incurvato*. Quæ ratione caules modo dicti *deorsum* equidem facile palpari & demulceri possunt, manu terga hamulorum horum succumbentium impune trans-eunte, *sursum* vero minus, erigentibus sese hamulis illis singulis, & ipsi cuti sese infigentibus. In reliquis autem convolvulis nostris descriptis cortex vel omnino *levis* & *glaber* est, in *Cuscuta*, *Convolvulo* majori, minori &c. vel *le-viter pilosus*, in *Periclymeno* vulgari tenello, vel *magis pilosus*, inde *hirsutus* appellatus, in *Convolvulis*, *purpureo*, nro. 114. *Americano villoso* majori nro. 120. & minori, nro. 121. memoratis. Præter hasce recensitas superficierum differentias visenda quoque est *figura* earum varia, eaque vel *regularis*, vel *irregularis*. Illa sese 230.
offert in *Periclymeno* & *Cuscuta*, caule gaudentibus perfecte *circulari*, quæ tamen figura in locis illis, ubi applicatio ad fulcra fit, paulatim vitiatur, & *latitudinem* aliquam in *Periclymeno*, *protuberantias* vero quasdam in *Cuscuta* majori accipit. Hæc enim proximis herbis circumvoluta, in poros corticis illarum *papillas* minimas immittit, easdemque quasi totidem *umbilicos* concipere & intueri haud incongrue forte licet. Per illos absum-tum cito, ob tenerrimam ejus texturam & maximam ejus inde transpirationem, alimentum ex herbis illis ar-

- reptis transit & restituitur, quam egregiam horum *umbilicorum* ut & aliorum intus contentorum *vasorum* structuram itidem alio tempore, adhibito microscopio magnitudinem ejus multo magis aucturo, delineatam
231. & descriptam dabit Dn. Præses. *Irregularis* autem figura in reliquis observanda modo est *hexagona* in Lupulo & Phaseolo, modo *polygona* in reliquis. In Lupulo igitur ut plurimum observantur *duo* in hexagono opposita *latera* reliquis *longiora*, quoin eundem nostra figura 1. A. ære expressa est, corrigenda, in qua, uti latus versus Periclymenum positum omnium ceterorum est maximum, sic & alterum ipsi oppositum parallelum (quod hic omnium est minimum) debet esse eidem æquale. Curatius hoc in Phaseolo fig. 4. A. fuit observatum, in quo *bina latera majora* a reliquis facile sunt dignoscenda. Frumenti Saracenici speciei alterius fig. 3. & Convolvulorum, maj. fig. 6. min. fig. 7. Siculi fig. 8. & purpurei fig. 9. caules, licet adhuc virides oculo nudo magis *rotundos* sese ostendant, per microscopia tamen iidem *plurimis* modo *introrsum*, modo *extrorsum* vergentibus *arcibus* minimis sunt *circumscripti*, ita ut ea ratione multum *striati* appareant, quarum striarum extantiores, a tubulis illis majoribus (d) in confiniis corticis quandoque locatis, factas, ceu figuræ ostendunt, observavimus.
232. Omnia hæc melius patent in convolvulorum nostrorum caulibus hyemali tempore ex hortis & locis sylvestribus accersitis, qui, quoniam lente exsiccati, dissecti & lustrati meliori longe situ cuncta superius descripta vasa non modo, sed & figuram externam non adeo distractam & distortam exhibent. In Convolvulis

vulvis majori & minori in specie, zona superius memorata triangularis fistularum minorum non modo, se & fistulæ tales minores circa tubulos majores positæ multis in locis apparebant, Exterius Convolvuli majoris caules, maculis nigris conspersi, pentagonum irregulare referebant. Deinde hoc quoque monendum 233. duximus, caules ex convolvulis nostris, ceteris respective teneriores, duplici motu & gyratione gaudere, una, qua fulcra ambiunt, altera vero, qua caulis, antequam fulcrum arripiat, aliquoties circa se ipsum volvitur, unde forte non incommode primum motum lationis, alterum vertiginis, appellaveris cujus phænomeni rationem ex ipsa caulis structura itidem eruere in part. differt. nost. poster. quantum potis erit, allaborabimus, varia insimul experimenta, circa convolvulos nostros eorumque motum instituta, in medium prolaturi. Tandem fig. 10. subjunximus capreoli extus pilosi, 134. ex Cucurbitæ caule defumti delineationem, utpote ob motum hunc circularem in se revolutum convolvulis nostris affinitate quadam juncti. In capreolo hoc non modo *concarvitas* (a) intima, loco cujus in vitis capreolis medulla utriculis amplis & angulosis distincta adest, sed & *fibræ non contiguae* (quas 31 in locis in vitis capreolo rotundo disjunctas vidimus) & admodum *graciles* adfunt. Sufficiant hæc de phænomenis in 235. partibus convolvulorum spectatis, ex quibus nunc porro in parte posteriori *selectum* instituemus, atque eorundem *usum*, pro determinanda *ascensus* eorum *spiralis causa*, cum Deo, monstrabimus.

Quid STARCKE in nostros, in nostros contulit hortos
 Audacem falcem? Quid duro sævit in ipsas
 Innocuas plantas ferro? Num fortis an audax
 Immiti cultro teneras exenterat herbas
 Atque locos mihi sacratos his cædibus implet?
 Dixerat insuetos geminans in corde furores
 Hortorum cultrix immani turgida cultu.
 Tum subito Pallas præclaros explicat ausus
 Monstrans pyramides; En florentissima Flora
 Quas heic ad summum viridante colore superbas
 Aspectas herbas sinuosis scandere gyris
 Ascensus harum fulcit rationibus aptis
 Hactenus ignotis. Non est hic Martis Alumnus
 Quem metuas, nobis doctâ notissimus arte,
 Quin potius merito de Te benenectere certa
 Confestim celeras cur dignas reddere grates
 Tardas. Hinc facile cognoscit Palladis armis
 Instructum variis. Mutasse pudore furorem
 Visa Dea est, multum miratur & approbat ausus
 Ingenuos. Assueta redit mox gratia vultus
 Inque horti medio Florâ moderante figuras
 Flexibus herbarum sinuosis nobile nomen
 Authoris surgit Nymphis plaudentibus. Omnes
 Acclamant unâ Sic STARCKE

*virescat in annos
 Hec ex heliconiis, quantum rudi stylo
 assequi potuit, relationibus
 Doctiss. Authori, Amico nunquam
 reconciliato*

Joh. Herbert Fr.

Non creat vitis generosa spinas,
 Nec leo imbelles Lybicus juvenças,
 Aut Jovis nutrit volucer paventes
 Ore columbas.
 Sic TUUM. STARKI. ingenium politum
 Nil nisi doctum posuisse novit,
 Mente solerti tenebras & omnes
 Discutis umbras;

Hinc

Hinc TUAS plectro resonante laudes
Concinunt Musæ, super astra cœli
Et TUOS penna volitante tollit

Fama labores,

*Hæc egregia huic solidioris doctrina specimini,
Nobilissimi, Doctissimique Dissertationis hujus
Auctoris, Fautoris atque Commensalis æstima-
tissimi, amicique integerrimi, sub finem stu-
diorum Academicorum edito, gratulationis
causa adicere debuit.*

Joach. Andr. Blume, S. Theol. Studios.
Helmstädiensis,

STARCKI Pierios flos nobilis inter alumnos
Cultor Musarum Juliadumque decus!
Cui puero dederat Phœbo mandante canoris
Cum fidibus doctam Calliopæa lyram.
Non satis esse putas mentem excoluisse per artes,
Castalioque tuam fonte levasse sitim.
Non satis esse putas doctorum volvere libros
Theologum gnava nocte dieque manu;
Sed penitus etiam naturæ accedere partes
Ausus, & haud unis enucleare modis.
Egregium specimen defendens pulpita scandis,
Adscriptus cultis Palladis arte viris.
Sic erit, ut certo tribuantur præmia digna,
Sicque tuum docti nomen in orbe colent.
Interea voveo, victor certaminis hujus
Strenuus evadas, & bene cuncta geras,

*In honorem
Suarisissimi sui commensalis
Integerrimique amici
Hæc scribere voluit, debuit.*

G. C. Hasselmannus,
Philosoph. & Philog. cultor.

Dag

) 96 (

Was ist der Jugend ahrt! was die Natur gebogen/
Und was gekrümmet sich um frömden Stamm gebogen/
Daß macht Herr **Starcke** gleich durch seinen klugen Wiß/
Denn er hat ausgeziert auff diesem Musen Sig.

Schriebs in Eyl des Herrn Autoris Tischgenosse
C. F. Rist. SS. Theol. Studiosus.

J 705

W. 135 g

Mercurius nuper veniens Heliconis in auras,
Exsultans Musis hæc Tua scripta dedit.
Perlegit ista statim Musarum præses Apollo,
Aonidumque cohors lecta, relecta, legit:
Admiransque: graues Te rerum inquirere causas,
Teque studere illas cum ratione dare:
Euge, ait, occlusas Parnassi pandite valuas,
Doctus *Anaxagora* est Filius ante fores.

*Hæc pauca Nobilissimo Doctissimoque
Dom. Auctori pro sincera amicitia
cessera posuit*

J. C. S. Hölling.

Addenda & emendanda

Pag. 2. post proœmium lege **SECTIO PRIOR**, **MEMBRVM PRIVS.** eadem p. lin. ultima lege sese gyantes. pag. 3. lin. ult. post vocabulum quibusdam adde (ut medicorum convolvulum, qui morbum *ileum* dictum denotat, taceamus) p. 6. lin. 7. leg. tenuiore. Ead. pag. lin. antepen. pro circumgyrant lege circumeunt. pag. 13. post lin. 6. Lege **SECTIONIS PRIORIS MEMBRUM POSTERIUS** ibid. lin. 13. 14. lege circa ridicas seu perticas proximas sese circumgyrare. Et post hæc verba add. **SECTIO POSTERIOR MEMBRVM PRIVS** p. 21. lin. 1. Frumento Saracenicò in margine addatur 66. ibid. lin. 16. leg. triquetra p. 23. lin. penult. 1. convolvulus. p. 28. lin. 24. 1. pallescentes. lin. ult. leg. Purkircheriani foliis p. 29. lin. 16. 1. videantur p. 36. lin. 22. num. 103. transfer ad lin. 24. p. 40. lin. 4. 1. sinistram p. 49. post. lin. 16. lege **SECTIO POSTERIOR MEMBRUM POSTERIUS**. pag. 57. lin. 5. post vocab. antiquos adde: aliosque magni nominis. P. 65. l. 18. leg. lætus. Hæc, & si quæ alia, quæ phœnomenis circa convolutos occurrentibus intentum oculum effugere sphalmata, B. Lectori corrigenda relinquuntur.



H. C. 7 M

